

續  
文  
獻  
通  
考

卷二六——二八

7條4  
5266  
70-32





門 5保4  
號 5266  
卷 70-32

續文獻通考卷之一百十六

皇明進士雲間王圻纂輯

王禮考 朝儀

宋遼

宋

理宗寶慶二年十一月日南至御大慶殿受朝畢詣慈明

殿 三年天基聖節羣臣上壽于垂拱紫宸殿 紹定

元年春正月御文德殿羣臣朝賀發冊寶于大慶殿上

率羣臣上壽明慈睿皇太后尊號于慈明殿歲歲如之

四年十二月詔正旦大朝會權免 端平二年十一

月日南至羣臣朝賀 景定元年七月御大慶殿冊皇

太子羣臣班賀



上皇太后冊寶儀 寶慶二年十二月詔皇太后宜上尊號曰壽明皇太后有司詳具儀注朕當親率羣臣詣慈明殿奉上冊寶甲申以史彌遠爲奉上皇太后尊號冊寶禮儀使并撰冊書冊宣繒篆寶 紹定三年十二月詔曰壽明慈睿皇太后載安宗社兼體乾坤宜加上尊號曰壽明仁福慈睿皇太后其令有司詳具儀注朕當親率羣臣詣慈明殿奉上冊寶

度宗咸淳三年詔朕纂承丕緒郊見禮備載典冊皇太后合上尊號可令有司討論以聞宰執奏皇太后尊號恭擬壽和二字詔於五年加上壽和皇太后尊號曰壽和聖福皇太后

冊皇后儀 紹定三年十一月詔皇妃謝氏立爲皇后令有司擇日降制 丙辰以薛極撰冊葛洪書冊同知樞密院事袁紹篆寶十二月御文德殿冊皇后

冊皇太子儀 景定元年詔皇子忠王可立爲皇太子令有司討論典禮以聞 甲寅詔皇太子改名令所司備禮冊命尋賜字曰長源乃以賈似道爲禮儀使朱習撰冊文皮龍榮書冊沈炎篆寶 乙卯上曰皇太子入儲宮禮宜從厚如賜宴錫賚等事皆當討論似道奏舊典有諸王入府錫宴及皇太子宴宮僚于資善堂賜教坊樂之類今日倣而行之足稱盛典

皇太子冠儀 寶祐二年詔皇太子年方志學儼若成



人節屈履長欲行冠禮令有司討論典故以聞 十月  
詔皇子忠王冠禮以徐青叟爲賓師珍圭之 十一月  
上御文德殿行皇子忠王冠禮賜字邦壽

遼

穆宗初卽位詔朝會依嗣聖皇帝故事用漢禮

正旦朝賀儀 臣僚并諸國使昧爽入朝奏班齊皇帝  
升殿坐契丹舍人殿上通訖引契丹臣僚東洞門入引  
漢人臣僚并諸國使西洞門入合班舞蹈五拜鞠躬平  
身引親王東階上殿欄內褥位俛伏跪自通全銜臣某  
等祝壽訖俛興退引東階下殿復位舞蹈五拜畢鞠躬  
宣徽使殿上鞠躬奏臣宣答稱有勅班首以下聽制訖

再拜鞠躬宣徽傳宣云履端之慶與公等同之舍人贊  
謝宣諭拜舞蹈五拜贊各祗候分班引出引班首西階  
上殿奏表目訖教坊起居賀十二拜畢贊各祗候引契  
丹漢人臣僚并諸國使東西洞門入合班再拜贊進酒  
引親王東階上殿就欄內褥位搢笏執壺進酒訖退  
復褥位置臺琰出笏少前俛伏自通全銜臣某等謹進  
千萬歲壽酒俛伏興退復褥位與殿下臣僚皆再拜鞠躬  
躬俟宣徽使殿上鞠躬奏臣宣答稱有旨親王以下再  
拜如初儀傳宣云飲公等壽酒與公等內外同慶舍人  
贊謝宣諭如初贊各祗候親王搢笏執壺進酒訖下臣僚  
分班皇帝飲酒教坊奏樂殿上下臣僚皆拜呼萬歲贊



各祇候樂止教坊再拜皇帝卒飲親土進受琰復褥位  
置臺琰出笏揖臣僚合班引親王東階下殿復位鞠躬  
再拜贊各祇候分班引出皇帝起詣皇太后殿臣僚并  
諸國使皆從皇太后升殿皇后東方側坐引契丹漢人  
臣僚并諸國使兩洞門入班稱賀進酒皆如皇帝之儀  
畢引出教坊入起居進酒亦如之皇太后宣答稱聖旨  
契丹班謝宣宴上殿就位立漢人臣僚并諸國使東洞  
門入丹墀東方面西鞠躬舍人鞠躬通文武百僚宰臣  
某以下謝宣宴再拜出班致詞訖退復位舞蹈五拜贊  
各上殿祇候引宰臣以下并諸國使副方廂朵殿臣僚  
西階上殿就位立不應坐臣僚并于西洞門出二人監

琰教坊再拜贊各上階下殿謝宴如皇太后生辰儀

冬至朝賀儀 臣僚齊班如正旦儀皇帝皇后拜日臣  
僚陪位再拜皇帝皇后升殿坐契丹舍人通臣僚入合  
班親王祝壽宣答皆如正旦之儀謝訖舞蹈五拜鞠躬  
出班奏聖躬萬福復位再拜鞠躬班首出班俛伏跪祝  
壽訖俛興舞蹈五拜鞠躬贊各祇候分班不出合班御  
牀入再拜鞠躬贊進酒臣僚平身引親王左階上殿就  
欄內褥位搢笏執臺琰進酒皇帝皇后受琰訖退就褥  
位置臺琰出笏俛伏跪少前自通全銜臣某等謹進千  
萬歲壽酒俛伏與退復褥位再拜鞠躬殿下臣僚皆再  
拜鞠躬宣答如正旦儀親王搢笏執臺琰分班皇帝皇



后飲酒奏樂殿上下臣僚皆拜稱萬歲壽樂止教坊再拜臣僚合班親王進受琖至褥位置臺琖出笏引左階下殿出御牀親王復丹墀位再拜鞠躬贊祗候分班引出班首右階上殿奏表目進奏諸道進奉教坊進奉過訖贊進奉收班首舞蹈五拜鞠躬贊各祗候班首出臣僚復入合班謝舞蹈五拜鞠躬贊各祗候分班引出聲警皇帝皇后起赴北殿皇太后于御容殿與皇帝皇后率臣僚再拜皇太后上香皆再拜贊各祗候可矮墩以上上殿皇太后三進御容酒陪位皆拜皇太后升殿坐皇帝就露臺上褥位親王押北南臣僚班丹墀內立皇帝再拜臣僚皆拜鞠躬皇帝欄內跪祝皇太后壽訖復

位再拜凡拜皆稱萬歲贊各祗候臣僚不出皇帝皇后側坐親三進酒臣僚陪拜皇太后宣答皆如正旦之儀臣僚分班不出班首右階上殿奏表目合班謝宣宴上殿就位如儀御牀入皇帝進皇太后酒如初各就坐行酒宣飲盡如皇太后生辰之儀皇后進酒如皇帝之儀三進酒行茶教坊致語行餼饌大饌七進酒曲破臣僚起御牀出謝宴皆如皇太后生辰儀

常朝起居儀 昧爽臣僚朝服入朝各依幕次內侍奏班齊先引京官班于三門外當直舍人放起居再拜各祗候依次兩府以下文武官於丹墀內面殿立監班諸司并供奉官于東西道外相向立定當直閣使副贊放



起居再拜各祗候退還幕次公服帝升殿坐兩府并京  
官丹墀內聲喏各祗候教坊司同北班起居畢奏事  
燕京就嘉寧殿西京就同文殿朝服以幘頭袍服公服  
以紫衫帽

正座儀 皇帝升殿座警聲絕契丹漢人殿前班畢各  
依位侍立次教坊班畢捲退京官班入拜畢揖于右橫  
階西依位班立次武班入拜畢依位立文班入拜畢依  
位立北班入起居畢於左橫街東序班立次兩府班入  
鞠躬通宰臣某官以下起居拜畢引上殿奏事

已上六班起居並七拜內有不帶節度使班首止通名  
亦七拜捲班與常朝同直院有旨入文班留守司三司  
統軍司制置使謂之京官都部署司宮使副都丞以下  
令史北面主事以下隨駕諸司爲武官館閣大理寺堂  
後以下御史臺隨駕閒員令史天臺翰林醫官院爲文  
官

皇帝生辰朝賀儀 臣僚國使班齊皇帝昇殿坐臣僚  
使副入合班稱賀合班出皆如皇太后生辰儀中書令  
北大王奏諸道進奉表目教坊起居七拜臣僚東西門  
入合班再拜贊進酒班首上殿進酒宣徽使宣答羣臣  
謝宣諭分班奏樂皇帝卒飲合班班首下殿分班出皆  
如正旦之儀進奉皆如皇太后生辰儀皇后詣太后殿  
近上皇族外戚大臣並從奉迎太后卽皇帝殿坐皇太



后御小輦皇帝輦側步從臣僚分行序引宣徽諸司閣門攢隊前引教坊動樂控鶴起居四拜引駕臣僚並於山樓南方立候皇太后入閣揖使副并臣僚入幕次皇太后升殿坐皇帝東方側坐引契丹漢人臣僚使副兩洞門入合班起居舞蹈五拜贊各祗候向殿立皇帝降御座殿上立進皇太后生辰物過畢皇帝殿上再拜殿上下臣僚皆拜皇帝升御座引臣僚分班出契丹臣僚入謝宣宴漢人臣僚使副入通名謝宴上殿就位不應坐臣僚從人入皆如儀御牀入皇帝初進皇太后酒皇太后賜皇帝酒皆如皇太后生辰儀贊各就坐行酒宣飲盡就位謝如儀殿上一進酒畢從人入就位如儀親

王進酒行餅茶教坊致語如儀行茶行殺饌如儀七進酒使相樂曲終從人起曲破羣僚使副起餘皆如正旦之儀

皇太后生辰朝賀儀 至日臣僚入朝國使至幕班齊如常儀皇太后升殿坐皇帝東面側坐契丹舍人殿上通名契丹漢人臣僚宋使副綴翰林學士班東西兩洞門入合班稱賀班首上殿祝壽分班引出皆如正旦之儀教坊起居七拜契丹漢人臣僚入進酒皆如正旦之儀惟宣答稱聖旨皇帝降御座進奉皇太后生辰禮物過畢皇帝殿上再拜殿下臣僚皆再拜皇帝升御座引臣僚分班出引中書令北大王西階上殿奏契丹臣僚



進奉次漢人臣僚并諸道進奉控鶴官置擔牀起居四拜畢引進使鞠躬通文武百僚某官某以下高麗夏國諸道進奉宜徽使殿上贊進奉各付所司控鶴官聲喏擔牀過畢契丹漢人臣僚以次謝五拜贊各祗候引出教坊諸道進奉使謝亦如之契丹臣僚謝宣宴引上殿就位立漢人臣僚并宋使副東洞門入面西謝宣宴如正旦儀贊各上殿祗候臣僚使副上殿就位立亦如之監瓊教坊上殿從人入東廊立皆如之御牀入皇帝初進酒臣僚就位陪拜皇太后飲酒殿上應坐侍立臣僚皆拜稱萬歲贊各祗候立皇太后卒飲手賜皇帝酒皇帝卒飲退就褥位再拜臣僚皆陪拜若皇帝親賜使相

臣僚宋使副酒皆立飲皇帝升坐贊應坐臣僚并使副皆拜稱萬歲贊各就坐行方褥朵殿臣僚酒如正旦儀一進酒兩廊從人拜稱萬歲各就坐親王進酒如正旦儀若皇太后手賜親王酒跪飲訖退露臺上五拜祗候候殿上三進酒行餅茶訖教坊跪致語揖臣僚使副廊下從人皆立口號絕贊拜亦如之行茶行餞饌皆如之大饌入行粥盃殿上七進酒使相臣僚樂曲終揖廊下從人起拜稱萬歲各好去承受官引兩門出曲破揖臣僚使副起鞠躬贊拜稱萬歲贊各祗候引臣僚使副下殿契丹臣僚謝宴畢出漢人臣僚使副舞蹈五拜畢贊各好去出洞門畢報閣門無事皇太后皇帝起 凡五



拜者拜興再拜興跪搢笏三舞蹈三叩頭出笏就拜興  
拜興再拜興其就拜亦曰俛伏興 賓儀臣僚皆曰坐  
於此儀曰高禩與方禩別

皇后生辰朝賀儀 臣僚昧爽朝皇帝皇后大帳前拜  
日契丹漢人臣僚陪拜皇帝升殿坐皇后再拜臣僚殿  
下合班陪拜皇帝賜皇后生辰物禮皇后殿上謝再拜  
臣僚皆拜契丹舍人通名契丹漢人臣僚以次入賀  
人舍人贊舞蹈五拜起居不表聖躬萬福贊再拜班首  
上殿拜跪自通全銜祝壽訖引下殿復位鞠躬贊舞蹈  
五拜贊各祗候引宰臣一員上殿奏百僚諸道進表目  
教坊起居七拜不賀控鶴官起居四拜諸道押衙附奏

起賜宴共八拜契丹漢人合班進壽酒舞蹈五拜引大  
臣一員上殿欄外褥位搢笏執臺錢進酒皇帝皇后受  
錢退復褥位授臺出笏欄內拜跪自通全銜祝壽臣等  
謹進千萬歲壽酒訖引下殿復位舞蹈五拜鞠躬宣徽  
使奏宣答如儀引上殿搢笏執臺皇帝皇后飲殿下臣  
僚分班教坊奏樂皆拜稱萬歲卒飲皇帝皇后授錢引  
下殿舞蹈五拜贊各祗候引出臣僚進奉如儀宣宴如  
儀教坊監錢臣僚上殿祗候如儀皇后進皇帝酒殿上  
贊拜侍臣僚皆拜皇帝受錢皆拜皇后坐契丹舍人漢  
人閣使殿上贊拜皆拜稱萬歲贊各就坐大臣進皇帝  
皇后酒行酒如儀酒三行行殺行饌又進皇帝皇后酒



酒再行大饌入行粥教坊致語臣僚皆起立口稱絕贊  
拜稱萬歲引下殿謝宴引出皆如常儀

臣僚接見儀 皇帝御座奏見榜子畢臣僚左入鞠躬  
通文武百僚宰司某官以下祗候見引面殿鞠躬起居  
凡七拜引班首出班謝面天顏復位舞蹈五拜鞠躬宣  
答問制再拜宣訖謝宣諭五拜各祗候畢可矮墩以上  
引近前問聖躬萬福傳旨問跋涉不易鞠躬引班舍人  
贊各祗候畢引右上準備宣問其餘並於右侍立 宣  
答云卿等久居鄉邑來奉乘輿時屬霜寒或云炎蒸諒  
多勞止卿各平安好想宜知悉

宰相中謝儀 皇帝常服升殿坐諸班起居如常儀應

坐臣僚上殿其餘臣僚殿下東西序立皆如宋使初見  
之儀引中謝官左入至丹墀面西立舍人當殿鞠躬通  
新受其官正名祗候中謝宣徽殿上索通班舍人就贊  
禮位贊其官至宣徽贊通班舍人二人對立揖中謝官  
鞠躬贊就拜位舍人二人引面殿鞠躬贊拜中謝官舞  
蹈五拜不出班奏聖躬萬福贊再拜揖出班跪叙官致  
詞訖俛伏興復位贊拜舞蹈五拜又出班中謝致詞如  
初儀共十有七拜贊祗候引右階上殿就位揖應坐臣  
僚聲喏坐供奉官行酒傳宣飲盡臣僚搢笏執琖起位  
後立飲置琖出笏贊拜臣僚皆再拜贊各坐搢笏執琖  
授供奉官琖酒三行揖應坐臣僚聲喏立引中謝官右



階下殿至丹墀面殿鞠躬贊拜舞蹈五拜引右出臣僚皆出丞相樞密使同餘官不升殿賜酒不帶節度使不通班止通名七拜衆謝班首一人出班中謝

拜表儀 其日先于東上閣門陳設氈位分引南北臣僚諸國使副于氈位合班通事舍人二人舁表案置班首前揖鞠躬再拜平身中書舍人立案側班首跪播笏興捧表跪左膝以表授中書舍人出笏就拜興再拜中書舍人復置表案上通事舍人舁表案于東上閣門入捲班分引出禮畢

元日皇帝不御坐行此儀餘應上表有故皆倣此

上義

皇帝出就內殿拜先帝御容北南臣僚丹墀

內合班再拜可矮墩以上入殿賜坐帝進御容酒陪位并侍立皆再拜一進酒臣僚下殿左右相向立皇帝戴幡勝等第賜幡勝臣僚簪畢皇帝于土牛前上香三奠酒不拜教坊動樂侍儀使跪進綵杖皇帝鞭土牛可矮墩以上北南臣僚丹墀內合班跪左膝受綵杖起再拜贊各祗候司辰報春至鞭土牛三匝矮墩鞭止引節度以上上殿撒穀荳擊土牛撒穀荳許衆奪之臣僚依位坐酒兩行春盤入酒三行畢行茶皆起禮畢

重五儀 至日臣僚味爽赴御帳皇帝繫長壽綵纒升車坐引北南臣僚合班如丹墀之儀所司各賜壽纒揖臣僚跪受再拜引退從駕至膳所酒三行若賜宴臨時



聽勅

重九儀 北南臣僚旦赴御帳從駕至圍場賜茶皇帝就坐引臣僚御前班立各賜菊花酒跪受再拜酒三行揖起

太宗會同四年十一月以永寧天授二節及正旦重午冬至臘並受賀著爲令

再生禮 皇帝本命前一年季冬之月擇吉日前期禁門除地地置再生室母后室先帝神主與在再生室東南倒植三歧木其日以童子及產醫媪置室中一婦人執酒一叟持矢簾立於室外有司請神主降輿致奠奠訖皇帝出寢殿詣再生室羣臣奉迎再拜皇帝入室釋

服跣以童子從三過歧木之下每過產醫媪致詞拂拭帝躬童子過歧木七皇帝臥木側叟擊箠曰生男矣太巫幪皇帝首興羣臣稱賀再拜產醫媪受酒于執酒婦以進太巫奉襍襍絲結等物贊祝之預選七叟各立御名繫於絲皆跪進皇帝選嘉名受之賜物再拜退羣臣皆進襍襍絲結等物皇帝拜先帝諸御容遂宴羣臣史臣曰善哉阻午可汗之垂訓後嗣也孺子無不慕其親者嗜欲深而愛淺妻子具而孝衰人人皆然而况天子乎再生之儀歲一周星使天子一行是禮以起其孝心夫體之也真則其思之也切孺子之慕將有油然而發于中心者感發之妙非言語文字之所能及善哉阻午



續文獻通考 卷之三百六 十一  
可汗之垂訓後嗣也使之以三過岐木母氏劬勞能無  
念乎終之以拜先帝御容敬承宗廟宜何如哉

賀祥瑞儀 聲警北南臣僚金冠盛服合班立班首二  
人各奉表賀北南宣徽使左階下殿受表上殿授讀表  
大臣讀訖揖殿下臣僚鞠躬五拜畢鞠躬引班首二人  
左階上殿欄內拜跪稱賀致詞訖引左階下殿復位五  
拜畢鞠躬宣答聽制訖再拜鞠躬謝宣諭五拜畢各祇  
候分班侍立禮畢兩府奏事如常 天祚帝乾統六年  
木葉山瑞雲見始行前儀 天慶元年天雨穀謝宣諭  
後趙王進酒教坊動樂臣僚酒一行禮畢奏事與前微  
不同

賀平難儀 皇帝皇后升殿坐北南臣僚并命婦合班  
五拜揖班首二人出班俛跪搢笏執表昇案近前閣使  
受表置案上皆再拜通事舍人二人昇案左階上殿置  
露臺上讀表官受入讀表對御讀訖臣僚殿下五拜鞠  
躬引班首二人左右階上殿欄內並立先引北面班首  
少前跪致詞訖退復褥位次引南面班首亦如之畢分  
引左右階下殿復位五拜鞠躬宣徽稱有勅再拜宣答  
內難已平與公等內外同慶謝宣諭五拜捲班臣僚從  
皇帝命婦從皇后詣皇太后殿見先帝御容陪位皆再  
拜皇太后正坐稱賀共十拜並引上殿賜宴如儀 道  
宗清寧元年太叔重元謀逆仁懿太后親帥衛士與逆



綱目禮通考卷之二十六  
十一  
黨戰事平因制此儀

皇帝受冊儀 前期一日尚舍奉御設幄于正殿北牖  
下南面設御坐奉禮郎設官僚客使幕次于東西朝堂  
大樂令設宮懸於殿庭舉麾位在第二重西階上東向  
乘黃令陳車輅尚輦奉御陳輿輦尚舍奉御設解劔席  
于東西皆設文官六品以上位橫街南東方西向武官  
五品以上位橫街南西方東向皆北上重行每等異位  
將士各勒所部六軍儀仗侍衛金吾仗黃麾仗陳于殿  
庭至日押冊官引冊自西便門入置冊案西階上通事  
舍人引侍從班入就位侍中東階下解劔履上殿欄下  
俛伏跪奏中嚴下殿劔履復位立閣使西階上殿欄外

跪請木契面殿鞠躬奏奉勅喚仗殿中監少監殿中丞  
等押金吾四色仗入位臣僚後協律郎入就舉麾位符  
寶郎詣閣奉迎通事舍人引文官四品至六品武官三  
品至五品就門外皇帝御輦至宣德門宣徽使押內諸  
司班起居引皇帝至閣服袞冕侍中東階下解劔履上  
殿版奏外辦太常博士引太常卿太常卿引帝內諸司  
出協律郎舉麾太樂令令撞黃鍾之鐘左五鐘皆應工  
人鼓祝樂作皇帝即御坐宣徽使贊扇合樂止贊簾捲  
扇開符寶郎奉寶進左右金吾報平安通事舍人引文  
官三品武官二品以上合班北向東班西上西班東上  
起居七拜分班各復位通事舍人引押冊官押冊自西



階下至丹墀當殿置香案冊案置冊訖樂作就位樂止  
捧冊官近後東西相對立舍人引侍從班并南班合班  
北向如初贊再拜在位者皆再拜舞蹈五拜分班各復  
位如初捧冊官就西階下解劔席解劔履捧冊西階上  
殿樂作置冊御坐前東西立北向捧冊官西牆下立北  
上樂止讀冊官出班當殿立贊再拜山呼萬歲就西階  
下解劔席解劔履西階上殿欄內立當御坐前侍中取  
冊捧冊官捧冊匣至讀冊官前跪相對捧冊讀冊官俛  
伏跪讀訖俛伏興捧冊官跪左膝以冊授侍中侍中受  
冊以冊授執事者降自西階劔履訖復當殿位贊再拜  
三呼萬歲復分班位舍人引侍從班南班合班北向如

初贊拜在位者皆拜舞蹈鞠躬如初通事舍人引班首  
西階下解劔履上殿樂作就欄內位樂止俛伏跪通全  
銜臣某等致詞稱賀訖俛伏興降西階下帶劔納烏樂  
作復位樂止贊拜在位者皆再拜舞蹈五拜鞠躬侍中  
臨軒西向稱有制皆再拜侍中宣答訖替皆再拜舞蹈  
五拜分班各復位三品以上出樂作出門畢樂止侍中  
當御坐俛伏跪通全銜奏禮畢俛伏興退東階下殿帶  
劔納履復位宣徽使贊扇合下簾太常博士太常卿引  
皇帝起樂作至閣樂止舍人引文官四品武官三品以  
下出門外分班立次引侍從班出次兵部吏部出次金  
吾出次起居郎舍人出次殿中監少監押金吾細仗出



仍位臣僚後次東西上閣門使于丹墀內鞠躬奏衙門  
無事捲班出閣門使丹墀內鞠躬揖奉勅放仗出門外  
文武班中間立喚承受官承受官聲喏至閣門使後鞠  
躬揖閣門使鞠躬稱奉勅放仗聲絕趨退文武合班再  
拜舍人一員攝詞令官殿前鞠躬揖稱奏勅放黃麾仗  
出放金吾仗亦如之翌日文武臣僚入問聖躬

按太平元年行此儀大畧遵唐晉舊儀又有上契丹冊  
儀以阻午可汗行柴冊禮合唐禮雜就之也又有上漢  
冊儀與此儀大同小異加以上寶儀耳

冊皇太后儀 前期陳設于元和殿如皇帝受冊之儀  
至日皇帝御弘政殿冊入侍從班入門外金吾列班文

武分班侍中解劔奏中嚴宣徽使請水契喚仗皆如之  
樂工入閣使門外文武班中間立喚承受官聲喏趨至  
閣使後立閣使鞠躬立揖稱奉勅喚仗承受官鞠躬聲  
喏揖引聲奉勅喚仗文武合班再拜殿中監押仗入文  
武班入亦如之宣徽使同內諸司供奉官天橋班候皇  
太后御紫宸殿乘平頭輦童子女童隊樂引寶金鑾門  
閣使奏內諸司起居訖贊引駕自下先引至元和殿皇  
太后入西北隅閣內更衣侍中解劔上殿奏外辦宣徽  
受版入奏侍中降復位協律郎舉麾樂作太樂令太常  
卿道引皇太后升坐宣徽使贊扇合捲簾扇開樂止符  
寶郎奉寶置皇太后坐右左右金吾大將軍對揖鞠躬



奏軍國內外平安東上閣門副使引丞相東門入西閣門副使引親王西門入通事舍人引文武班入如儀樂作至位樂止文武班趨進相向再拜退復位東西上閣門使宣徽使自弘政殿引皇帝御肩輿至西便門下引入門樂作至殿前位樂止皇帝拜舞蹈拜訖引西階上殿至皇太后坐前位俛跪致詞訖俛伏興引西階下至殿前位拜舞蹈拜鞠躬侍中臨軒宣太后答稱有制皇帝再拜宣訖引皇帝上殿樂作至西閣樂止丞相親王從文武合班再拜舞蹈三呼萬歲如儀丞相上賀侍中宣答如儀丞相以下出舉樂出門樂止侍中奏禮畢宣徽索扇扇合下簾皇太后起舉樂入閣樂止文武官出門外分班侍從兵部吏部起居金吾仗出如儀閣使奏放仗皆如皇帝受冊之儀

納后儀 擇吉日至日后族畢集詰旦后出私舍坐于堂皇帝遣使及媒者以牲酒饗餼至門執事以告使及媒者入謁再拜平身立少頃拜進酒于皇后次及后之父母宗族兄弟酒徧再拜納幣致詞再拜訖后族皆坐惕隱夫人四拜請就車后辭父母伯叔父母兄各四拜宗族長者皆再拜皇后升車父母飲后酒致戒詞徧及使者媒者送者發輶伯叔父母兄飲后酒如初教坊遮道贊祝后命賜以物后族追拜進酒遂行將至宮門宰相傳勅賜皇后勅徧及送者既至惕隱率皇族奉迎再



拜車至便殿東南七十步止。惕隱夫人請降車，負銀罍，捧滕履黃道行。後一人張羔裘若襲之前，一婦人捧鏡，却行置鞞于道，后過其上，乃詣神主室，三拜，南北向各一拜，酌酒向謁者，一拜起居訖，再拜。次詣舅姑御容，拜奠酒，選皇族諸婦，宜子孫者，再拜之，授以罍，滕又詣諸帝御容，拜奠酒，神賜襲衣、珠玉、佩飾，拜受服之后，姊、后、妹陪拜者，各賜物。皇族迎者，后族送者，徧賜酒，皆相饗飲訖，后坐別殿，送后者退，舍于次。媒者傳旨，命送后者，別于殿北，俟皇帝。即御坐，選皇族尊者一人當輿，坐主婚禮，命執事者往來致詞于后族，引后族之長率送后者，升當御坐，皆再拜，又一拜，少進，附奏送后之詞，退復。



賀生皇子儀 其日奉先帝御容設正殿皇帝御八角  
殿升坐聲警畢北南宣徽使殿階上左右立北南臣僚  
金冠盛服合班入班首二人捧表立讀表官先于左階  
上側立二宣徽使東西階下殿受表捧表者跪左膝授  
訖就拜興再拜各祗候二宣徽使俱左階上授讀表官  
讀訖揖臣僚鞠躬引北面班首上殿欄內稱賀訖引左  
階下殿復位舞蹈五拜禮畢

冊皇太子儀 前期一日設帳座于宣慶殿設文武幕  
次于朝堂并殿庭板位太樂令陳宮縣皆如皇帝受冊  
儀守宮設皇太子次于朝堂北西向乘黃令陳金輅朝  
堂門外西向皇太子儀仗笳簫鼓吹等陳宣慶門外典



儀設皇太子版位于殿橫街南近東北向設文武官五品以上位於樂縣東西餘官如常儀至日門下侍郎奉冊中書侍郎奉寶綬各置于案令史二人絳服對舉案立寶案在橫街北西向冊案在北門下侍郎中書皆立案後侍中板奏中嚴皇太子遠遊冠絳紗袍秉珪出太子舍人引入就版位東面殿立東宮官三師以下皆從立皇太子東西南向太子入門樂作至位樂止典儀贊皇太子再拜中書令立皇太子東北西向門下侍郎引冊案中書侍郎取冊進授中書令退復位傳宣官稱有制皇太子再拜傳宣訖再拜中書令跪讀冊訖俛伏興皇太子再拜受冊退授左庶子中書侍郎取寶進授中

書皇太子進受寶退授左庶子中書令以下退復位畢案者以案退典儀贊再拜皇太子拜在位者皆再拜太子舍人引皇太子退樂止侍中奏禮畢皇太子升金輅左庶子以下夾侍儀仗鼓吹等並列宣慶門外三師三少諸宮臣于金輅前後道從鳴鑣而行還東宮宮庭先設儀仗如式至宮門鑣止皇太子降金輅舍人引入就位坐文武宮臣序班稱賀禮畢

冊王妃公主儀 至日押冊使副并讀冊等官押冊東便門入持節前導至殿冊案置橫街北少東引使副等面殿立而鞠躬侍中臨軒稱有制皆再拜鞠躬宣制訖舞蹈五拜引冊于宣慶門出使副等押領儀仗冊案赴



各私第廳前向闕陳列設傳宣受冊拜褥冊案置褥左  
去幕蓋使副案右序立受冊者就位立傳宣稱有制再  
拜宣制畢昇冊人舉冊匣于褥前跪捧引讀冊者與受  
冊者皆俛伏跪讀訖皆俛伏興受冊者謝恩國王五拜  
王妃公主四拜若冊禮同日先上皇太后冊寶次臨軒  
同制遣使冊皇后諸王妃公主次冊皇太子  
公主下嫁儀 選公主諸父一人爲婚主凡當輿者媒  
者致詞之儀自納幣至禮成大約如納后儀擇吉日詰  
且媒者趨尚主之家詣宮喚皇帝皇后御便殿率其族  
人見進酒訖命皇族與尚主之族相偶飲翌日尚主之  
家以公主及婿率其族入見致宴于皇帝皇后獻贐送

者禮物畢朝辭賜公主青幃車二螭頭蓋部皆飾以銀  
駕馳送終車一車樓紳 卸銀螭懸鐸後垂大氊駕牛載  
羊一謂之祭羊擬送之具至覆尸儀物俱在賜其壻朝  
服四時襲衣鞍馬凡所須無不備皇族一人送至其家  
親王女封公主者婚儀類此以親疎爲等殺

宋使見皇帝儀 宋使賀生辰正旦至日臣僚昧爽入  
朝使者至幕次奏班齊聲警皇帝升殿坐宣徽使押殿  
前班起居畢捲班出契丹臣僚班起居畢引應坐臣僚  
上殿就位立其餘臣僚不應坐者並退于北面侍立次  
引漢人臣僚北洞門入面殿鞠躬舍人鞠躬通某官某  
以下起居皆七拜畢引應坐臣僚上殿就位立引首相



南階上殿奏宋使并從人勝子就位立臣僚並退于南  
面侍立教坊入起居畢引南使副北洞門入丹墀內面  
殿立閣使北階下殿受書匣使人捧書匣者跪閣使搢  
笏立受于北階上殿欄內鞠躬奏封全訖授樞密開封  
宰相對皇帝讀訖舍人引使副北階上殿欄內立揖生  
辰大使少前俛伏跪附起居俛伏興復位立大使俛伏  
跪奏訖俛伏興退引北階下殿揖使副北方南面鞠躬  
舍人鞠躬通南朝國信某官某以下祇候見起居七拜  
畢揖班首出班謝面天顏舞蹈五拜畢出班謝遠接御  
筵撫問湯藥舞蹈五拜畢贊各祇候引出歸幕次閣使  
傳宣賜對衣金帶勾從人以下入見舍人贊班首姓名

以下再拜不出班奏聖躬萬福贊再拜稱萬福贊各祇  
候引出舍人傳宣賜衣使副并從人服賜衣畢舍人引  
使副入丹墀內面殿鞠躬舍人贊謝恩拜舞蹈五拜畢  
贊上殿祇候引使副南階上殿就位立勾從人入贊謝  
恩拜稱萬歲贊有勅賜宴再拜稱萬歲贊各祇候承受  
官引北廊下立御牀入大臣進酒皇帝飲酒契丹舍人  
漢人閣使齊贊拜應坐并侍立臣僚皆拜稱萬歲贊各  
祇候卒飲贊拜應坐臣僚皆拜稱萬歲贊各就坐行酒  
親王使相使副共樂曲若宣令飲盡並起立飲訖放琖  
就位謝贊拜並隨拜稱萬歲贊各就坐次行方褥地坐  
臣僚等官酒若宣令飲盡贊謝如初殿上酒一行畢贊



廊下從人拜稱萬歲贊各就坐若傳宣令飲盡並拜稱萬歲贊各就坐殿上酒三行行茶行殺行饌酒五行候曲終揖廊下從人起替拜稱萬歲贊各祗候引出曲破臣僚并使副並起鞠躬贊拜應坐臣僚使副皆拜稱萬歲贊各祗候引使副南階下殿丹墀內舞蹈五拜畢贊各祗候引出次引衆臣僚下殿畢出報閣門無事皇帝起聲暉

曲宴宋使儀 味爽臣僚入朝宋使至幕次皇帝升殿殿前教坊契丹文武班皆如初見之儀宋使副綴翰林學士班東洞門入面西鞠躬舍人鞠躬通文武百僚臣某以下起居七拜謝宣召赴宴致詞訖文武五拜畢贊

各上殿祗候舍人引大臣使相三僚使副及方朔采戲等應坐臣僚並于西階上殿就位立其餘不應坐臣僚並於西洞門出勾從人入起居謝賜宴兩廊立如初見之儀兩人監琰教坊再拜贊各上殿祗候入御牀大臣進酒舍人閣門贊拜行酒皆如初見之儀次行方朔采戲酒傳宣飲盡如常儀殿上酒一行畢兩廊從人行酒如初殿上行餅茶畢教坊致語揖臣僚使副并廊下從人皆起立候口號絕揖臣僚等皆鞠躬贊拜殿上應坐并侍立臣僚皆拜稱萬歲贊各就位次替廊下從人拜亦如之歇宴飲臣僚起立御座出皇帝起入閣引臣僚東西階下殿還幕次內賜花承受官引從人出賜花亦如



續文獻通考卷之三百六  
之簪花畢引從人復兩廊位立次引臣僚使副兩洞門  
入復殿上位立皇帝出閣復坐御牀入揖應坐臣僚鞠躬  
贊拜稱萬歲贊各就坐贊兩廊從人亦如之行單茶  
行酒行饌行果殿上酒九行使相樂曲聲絕揖兩廊從  
人起贊拜稱萬歲贊各祗候引臣僚使副東西階下殿  
契丹班謝出漢人并使副班謝宴舞蹈五拜畢贊各好  
去引出畢報閣門無事皇帝起

宋使賀生辰朝辭皇帝儀 臣僚入朝如常儀宋使至  
幕次於外賜從人衣物皇帝升殿宣徽契丹文武班起  
居上殿如曲宴儀中書令奏宋使副并從人朝辭勝子  
畢臣僚並于南面侍立教坊起居畢舍人引使副六人

北洞門入丹墀北方南鞠躬舍人鞠躬通南朝國信  
使其官某以祗候辭再拜起居戀闕如辭皇太后之義  
贊各祗候平身立揖使副鞠躬宣徽贊有勅使副再拜  
鞠躬平身立宣徽使贊各賜卿對衣金帶足段弓箭鞍  
馬等想宜知悉使副平身立揖大使三人少前俛伏跪  
搯笏閣門使授別錄賜物過畢俛起復位揖副使三人  
受賜亦如之贊謝恩舞蹈五拜贊上殿祗候舍人引使  
副南階上殿就位立引從人贊謝恩再拜起居再拜贊  
賜宴再拜皆稱萬歲贊各祗候承受引兩廊立御牀入  
皇帝飲酒舍人閣使臣僚使副再稱萬歲皆如曲宴應  
坐臣僚拜稱萬歲就坐行酒樂曲方茵兩廊皆如之行



殺行茶行饌亦如之行饅頭畢從人起如登位使之儀  
曲破臣僚使副皆起立拜稱萬歲如辭太后之儀使臣  
下殿舞蹈五拜贊各上殿祗候引北階上殿欄內立揖  
生辰正旦大使二人少前齊跪受書畢起立揖磬折受  
起居畢退引北階下殿丹墀內並鞠躬舍人贊各好去  
引南洞門出次引殿上臣僚南北洞門出畢報閣門無  
事

宋使見皇太后儀 宋使賀生辰正旦至日臣僚昧爽  
入朝使者至幕次臣僚班齊皇太后御殿坐宣徽使押  
殿前班起居畢捲班次契丹臣僚班起居畢引應坐臣  
僚上殿就位立其餘臣僚不應坐者退於東面侍立漢

人臣侍東洞門入面西鞠躬舍人鞠躬通某以下起居  
凡七拜畢贊各祗候引應坐臣僚上殿就位立中書令  
大王西階上殿奏宋使并從人膀子訖就位其餘臣僚  
不應坐者退於西面侍次引宋使副六人於東洞門入  
丹墀內面殿齊立閣使自東階下受書匣使人捧書匣  
者皆跪閣使楷笏立受書匣自東階上殿欄內鞠躬奏  
封全訖授樞密開封宰臣對皇太后讀訖引使副六人  
跪附起居訖起復位立次引賀太后正旦大使附起居  
如前儀皇太后宣問南朝皇帝聖躬萬福舍人揖生辰  
大使并皇太后正旦大使少前皆跪惟生辰大使奏來  
時聖躬萬福皆俛伏興引東階下殿丹墀內面殿齊立



引進使

佷物于西洞門入殿前置擔牀控鶴官起居

四拜

於東便門出畢揖使副退於東方西面皆鞠

躬舍

鞠躬通南朝國信使其官某以下祇候見舞蹈

五

平不出班奏聖躬萬福再拜揖班首出班謝面天

復位舞蹈五拜畢贊各上殿祇候引各使副西階

先就位勾從人兩洞門入面殿鞠躬通各贊拜起居

并畢贊各祇候分班引兩洞門出若宣問使副跋涉

易引西階下殿丹墀內舞蹈五拜畢贊各上殿祇候

引西階上殿就位立契丹舍人漢人閣使齊贊拜應坐

臣僚應拜臣僚并使副皆拜稱萬歲贊各就坐行湯行

茶出殿門揖臣僚并使副起鞠躬契丹舍人漢人閣使

齊贊皆拜稱萬歲贊各祇候先引宋使副西階下殿西

洞門出次揖臣僚出畢報閤門無事皇太后起

宋使朝辭太后儀 臣僚使副班齊如曲宴儀皇太后

升殿坐殿前契丹文武起居上殿畢宰臣奏宋使副從

人朝辭勝子畢就位立舍人引使副北洞門入面南鞠

躬舍人鞠躬通南朝國信使其官某以下祇候辭再拜

不出班奏聖躬萬福再拜出班戀闕致辭訖又再拜贊

各上殿祇候舍人引南階上殿就位立引從人贊姓名

再拜稱聖躬萬福再拜稱萬歲贊各好去引出殿上揖

應坐并使副就位鞠躬贊拜稱萬歲贊各就坐行湯行

茶畢揖臣僚并南使起立與應坐臣僚鞠躬贊稱萬歲



贊各祗候立引使副六人於欄內拜跪受書阻畢直起立揖少前鞠躬受傳答語訖退於北階下殿丹輝內面殿鞠躬舍人贊各好去引出臣僚出

高麗使入見儀 臣僚常服起居應上殿臣僚殿上序立閣門奏勝子引高麗使副面殿立引上露臺拜跪附奏起居訖拜起立閣門傳宣王詢安否使副皆跪大使奏臣等來時詢安引下殿面殿立進奏物入列置殿前控鶴官起居畢引進使鞠躬通高麗國王詢進奉宣徽使殿上贊進奉赴庫馬出擔牀出畢引使副退面西鞠躬舍人鞠躬通高麗國謝恩進奉使其官某以下祗候見舞蹈五拜不出班奏聖躬萬福再拜出班謝面天顏

五拜出班謝遠接湯藥五拜贊各祗候使副私獻入列置殿前控鶴官起居引進使鞠躬通高麗國謝恩進奉其官某以下進奉宣徽使殿上贊如初引使副西階上殿序立皇帝不入御牀臣僚伴酒契丹舍人通漢人閣使贊再拜稱萬歲各就坐酒三行殺饌二味若宣令飲盡就位拜稱萬歲贊各就坐殺饌不贊起再拜稱萬歲引下殿舞蹈五拜贊各祗候引出於幕次內別差使臣伴燕起宣賜衣物訖遙謝五拜畢歸館

曲宴高麗使儀 臣僚入朝班齊皇帝升殿宣徽教坊控鶴文武班起居皆如常儀謝宣宴如宋使儀贊各上殿祗候契丹臣僚謝宣宴勾高麗使面南鞠躬舍人鞠



躬通高麗國謝恩進奉使某官某以下起居謝宴共十  
二拜贊各上殿祇候臣僚使副就位立大臣進酒契丹  
舍人通漢人閣使贊上殿臣僚皆拜贊各祇候進酒大  
臣復位立贊應坐臣僚拜贊各就坐行酒若宣令飲盡  
贊再拜贊各就坐教坊致語臣僚皆起立口號絕贊再  
拜贊各就坐凡拜皆稱萬歲曲破臣僚起下殿契丹臣  
僚謝宴中書令以下謝宴畢引使副謝七拜贊各好去  
控鶴官門外祇候報閣門無事供奉官捲班出來口問  
聖體

高麗使朝辭儀 臣僚起居上殿如常儀閣門奏高麗  
使朝辭膀子起居戀闕如宋使儀贊各上殿祇候引西  
階上殿立契丹舍人贊拜稱萬歲贊各就坐中書以下  
伴酒三行殺饌二味如初見之儀既謝贊有勅宴五拜  
贊各好去引出於幕次內別差使臣伴宴畢賜衣物跪  
受遙謝五拜歸館

西夏國進奉使朝見儀 臣僚常朝畢引使者左入丹  
堦面殿立引使者上露臺立揖少前拜跪附奏起居訖  
俛伏興復位閣使宣問某安否鞠躬聽旨跪奏某安俛  
伏興退復位引左下至丹堦面殿立禮物右入左出畢  
閣使鞠躬通某國進奉使姓名候見共一十七拜贊祇  
候平立有私獻過畢揖使者鞠躬贊進奉收訖贊祇候  
引左上殿就位立臣僚使者齊聲啜酒三行引使左下



至丹墀謝宴五拜畢贊有勅宴五拜祇候引右出禮畢於外賜宴客省伴宴仍賜衣物

西夏使朝辭儀 常朝畢引使者左入通某國某使祇候辭再拜不出班起居再拜出班戀闕致辭復再拜賜衣物謝恩如常儀若賜宴五拜畢贊好去引右出

皇明進士雲間王圻纂輯

王禮考 朝儀 金

金

熙宗天眷二年詳定常朝及朔望儀 准前代制以朔日

六日十一日十五日二十一日二十六日為六祭日後

又定制以朔望日為朝祭餘日為常朝凡朔望朝祭日

百官卯時至幕次皇帝辰刻視朝供御弩手繖子直於

殿門外分兩面排立司辰入殿報時畢皇帝御殿坐鳴

鞭閣門報班齊執擎儀物內侍分降殿階兩旁面南立

宿衛官自都點檢至左右親衛祇應官自宣徽閣門祇



續文獻通考卷之三百一十一 禮考一百八十一  
候先兩拜班首少離位奏聖躬萬福兩拜弩手繳子先於殿門外東西向排立俟奏聖躬萬福時卽就位北面山呼聲喏起居畢卽相向對立擎御傘直立左班內侍上都點檢以次升殿副點檢在少南東西相向立左右衛在殿下東西相向立閤門乃引親王班贊班首名以下再拜訖班首少離位奏聖躬萬福歸位再拜畢先退次引文武百僚班首以下應合朝參官并府運六品以上官皆左入至丹墀之東西向鞠躬畢閤門通唱復引至丹墀閤門贊班首名以下起居舞蹈五拜又再拜畢領省宰執升殿奏事殿中侍御史對立於左右衛將軍之北少前修起居東西對立于殿欄子內副階下餘退

右出初帝就坐置寶匣於殿階之上東南角後定制師傅起居畢御案始東入置定捧案內侍東西分下侍殿隅直日主寶捧寶當殿叩欄奏封前符寶郎及當監印郎中各一員監當主分令史用印訖主寶吏封授主寶俟奏事畢進封訖內侍徹案若常朝則親王班退引七品以上職事官分左右班入丹墀再拜班首稍前起居畢復位再拜宰執升殿餘官分班退

世宗大定二年命臺臣定朝參禮五品以上職官趨朝朝服入局治事則展皂自來朝參除殿前班外若遇朔望自七品以上職事官皆赴其餘朝日五品以上職事官得赴六品以下止於本局司治事如左右司員外郎侍



御記注院等官職雖不係五品亦赴朝參若拜詔則但有職事及七品以上散官皆赴朝會吏員令譯使通事檢法各於本局待官員朝退赴局簽押文字不得於宮內署押七品以下流外職遇朝日亦不合入宮如左右司都事有須合奏事乃聽入宮七品以上職事官如遇使客朝辭見日依朔望有皆赴若元日聖節拜詔車駕出獵送迎詣祖廟燒飯但有職事并七品以上散官皆赴凡親王宗室已命官者年十六已上皆隨班赴起居大定五年右諫議大夫移刺子敏言猛安謀克不得與州鎮官隨班入見非軍民一體之意上是其言責宣徽院令隨班入見凡班首遇朝參有故不赴以次押班凡

五品以上及侍御史尚書諸司郎中太常丞翰林修撰

起居注殿中侍御史補闕拾遺赴召或假一月以上若

除官出使之類皆通班入見辭謝除官於殿門外見謝

班皆無班皆無平踏七拜辭班四拜門見謝辭並再拜

凡朔望常朝日殿下列衛士簾下置甲兵正隆元年海

陵去甲兵惟存錦衣弩手百人分立兩階其儀都副點

檢公服偏帶常朝則左右衛將軍宿直將軍展紫金束

帶各執玉水晶及金飾骨朵左右親衛盤裹紫襖塗金

束帶骨朵佩兵械供御弩手傘子百人並金花交脚幘

頭塗金銅鈸襯花束帶骨朵左右班執儀物內侍二十

人展紫塗金束帶朝參日弩手傘子直于殿門外分兩



續文獻通考 卷之二百七  
面排立司辰報時畢皇帝御殿坐鳴鞭閣門報班齊執  
擎儀物內侍分降殿階南面立點檢司起居弩手傘子  
于殿門外北面山呼聲喏訖即于殿門外東西相向排  
立都點檢以次三員陞殿都點檢在東近南左副又少  
南右副在西東向對立左右衛將軍在殿下東西對立  
省臣隨班起居畢左右司侍郎從宰執奏事殿中侍御  
史隨班起居畢東西對立于左右衛將軍之北少前修  
起居注分殿陞東西對立于殿欄外副階下以俟奏事  
畢皇帝還閣侍衛者乃退

凡遇大禮大朝會有內外立仗熙宗皇統元年正月上  
冊寶立仗一千一百八十八至海陵時用三千人世宗  
大定七年前冊寶損其數且以天德貞元不設車輅遂  
併去之是後或減至二千或一千或八百或六百人天  
德二年海陵立后發冊勤政殿設黃麾細仗用前六部  
攝官七十二擎執六百七十八人受冊泰和殿用後六  
部攝官三十六擎執三百二十二人大定八年正月冊  
皇太子于太安殿用黃麾半仗二千二百六十五人奉  
表于仁政殿用黃麾細仗一千四百二人二十七年冊  
皇太孫亦如之

大定八年黃麾半仗攝官一百七十五人擎執二千八  
十一人編排職掌九人殿庭內仗以中心東西相向一  
重并南北旗幟爲中  
道左行自北西向排列黃麾幡一首執者三人碧欄官



一大雉扇二碧欄官一中雉扇六碧欄官一小雉扇六  
碧欄官一朱團扇六碧欄官一睥睨四碧欄官一紅大  
傘一碧欄官一紫方傘二碧欄官一華蓋一右行東向  
列者並同面北第一行牙門旗八共二十四人分左右  
留中道第二行監門校尉十二分左右第三行長壽幢  
一押旗大將軍一居中次東五方龍旗十五次西五方  
鳳旗十五第四行自內而東青龍旗五紅龍旗二十自  
內而西青龍旗五紅龍旗二十第五行同上又君王萬  
歲旗一五人居中日旗一五人在左月旗一五人在右  
第六行自內而東天下太平旗莖紋旗日月合璧旗莖  
紋旗青龍旗赤龍旗河瀆旗江瀆旗各一旗五人排仗

通直官一排仗大將一未午巳辰卯寅旗各一青天王  
旗白天王旗各一自內而西祥雲旗五星連珠旗祥雲  
旗黃龍旗白龍旗黑龍旗淮瀆旗濟瀆旗各一旗五人  
通直官一大將一申酉戌亥子丑旗各一緋天王旗皂  
天王旗各一第七行自內而東孔雀旗一五人蒼鳥旗  
兕旗犀牛旗麒麟旗赤熊旗白狼旗金鸚鵡旗馴犀旗  
角端旗鷓鴣旗騶牙旗野馬旗瑞麥旗甘露旗各一旗  
五人自內而西者同外仗在門外左邊西向自北排列第  
一部第一行侍御史大將軍折衝都尉各一主帥三第  
二行絳引幡五首十五人龍頭竿四弓矢五羯鼓二龍  
頭竿四儀鎧斧五龍頭竿四朱刀盾五龍頭竿四綠刀



盾五龍頭竿四小戟五第三行與第一行同第四行與  
 第三行同第二部第三部第四部第五部以次而南各  
 為前後四行其名數與第一部同惟無絳引幡右五部  
 東向排列色數皆同左五行從北每大旗一均用小  
 紅龍旗二間之角宿旗一三人均用三亢宿旗一三人  
 均用二氐宿旗一三人均用二房宿旗一三人均用二  
 心宿旗一三人均用二尾宿旗一三人均用二箕宿旗  
 一三人均用二斗宿旗一三人均用二牛宿旗一三人  
 均用二女宿旗一三人龍旗并黃排欄旗各一虛宿旗  
 一三人紅黃排欄旗二危宿旗一三人紅紫排欄旗二  
 室宿旗一三人黃紫排欄旗二壁宿旗一三人紅黃排  
 欄旗二重輪旗一三人紅紫排欄旗二左攝提旗一三  
 人黃紫排欄旗二青龍旗一三人紅黃排欄旗二木星  
 旗一三人紅紫排欄旗二火星旗一三人黃紫排欄旗  
 二土星旗一三人紅黃排欄旗二金星旗一三人紅紫  
 排欄旗二水星旗一三人吏兵并紫排欄旗各一北岳  
 旗一三人吏兵并龍君旗各一東岳旗一三人龍君并  
 黃熊旗各一中岳旗一三人黃熊并赤豹旗各一西岳  
 旗一三人赤豹并力士旗各一南岳旗一三人力士并  
 虎君旗各一朱雀旗一三人虎君并天馬旗各一右第  
 五行北奎旗一三人婁旗一三人胃旗一三人昴旗一  
 三人畢旗一三人觜旗一三人參旗一三人井旗一三



人鬼旗一三人皆均用二旗如前柳宿旗一三人紅龍  
 并黃排欄旗各一星宿旗一三人紅黃排欄旗二張宿  
 旗一三人紅紫排欄旗二翼宿旗一三人紫黃排欄旗  
 二軫宿旗一三人紅黃排欄旗二重輪旗一三人紅紫  
 排欄旗二白虎旗一三人紅黃排欄旗二東方神旗一  
 三人紅紫排欄旗二南方神旗一三人黃紫排欄旗二  
 中央神旗一三人紅龍排欄旗二西方神旗一三人紅  
 紫排欄旗二北方神旗一三人力士并紫排欄旗各二  
 風伯旗一三人力士并虎君旗各一雨師旗一  
 君并黃熊旗二雷公旗一三人黃熊并赤豹旗二雷母  
 旗一三人赤豹并吏兵旗二北斗旗一三人吏兵并龍

君旗二玄武旗一三人龍君并天馬旗二三人執一旗  
 者重立二人各執小旗者亦重立殿門外仗亦從北留  
 中道飛麟旗馱馱旗鸞旗麟旗馴象旗各二共十人從  
 中分列為第一重鴟鷄旗貔旗玉燕旗三角獸旗黃鹿  
 旗各二共十人次外分列為第二重其次第一部都尉  
 三員第二部至第五部俱二員為第三重又其次五部  
 各刀盾二十為第四重又其次五部各弓矢二十為第  
 五重左右同  
 黃麾細仗攝官八十八人擎執一千二百五人編排職  
 掌九人內仗中道左一行自北西向排列黃麾幡一首  
 執者三人大雉扇六中雉扇六小雉扇六朱團扇六睥



睨四紅大傘一紫方傘二華蓋一凡傘扇之上皆有碧  
欄官一右行東向排次同面北第一行長壽幢一居中  
牙門旗八共二十四人分左右第二行君王萬歲旗五  
人居中日旗五人監門校尉五人在左月旗五人監門  
校尉五人在右第三行五方龍旗十五在左五方鳳旗  
十五在右第四行紅龍旗三十四第五行紅龍旗三十  
四皆分左右第六行自內而東太平苜紋合璧苜紋赤  
龍青龍旗各一旗五人通直一人大將一人未午巳辰  
卯寅旗各一青天王旗白天王旗各一自內而西祥雲  
聯珠祥雲黃龍白龍黑龍旗各一旗五人通直一人大  
將一人申酉戌亥子丑旗各一緋天王旗皂天王旗各

一第七行自內而東河濱江濱兜赤熊馴犀角端鷓鴣  
網子旗各一旗五人自內而西淮濱濟濱兜赤熊馴犀  
角端鷓鴣網子旗各一旗五人 外仗左邊右向自北  
排列第一行五部侍御史大將軍折衝都尉各一主帥  
各二第二行第一部絳引幡五首十五人龍頭竿四弓  
矢五羯鼓二儀鎗斧五龍頭竿四弓矢五朱刀盾五綠  
刀盾五龍頭竿四儀鎗斧五朱刀盾五綠刀盾五龍頭  
竿四小戟五龍頭竿四小戟五第二部至五部無絳引  
幡餘色並同以次相接而南右五部東向亦如之左第  
三行從北角亢氐房心尾箕斗牛女虛危室壁旗各一  
旗三人次重輪左攝提青龍旗各一木火土金水星各



一北東中南西岳旗各一旗三人次紫排欄四黃排欄四紅排欄四吏兵旗二天馬旗一右第三行從北奎婁胃昴畢觜參井鬼柳星張翼軫旗各一旗三人次重輪右攝提白虎旗各一東南中西北方神旗各一風伯雨師雷公電母北斗旗各一旗三人次紫排欄四黃排欄四紅排欄四吏兵旗二天馬旗一

初卽位儀 太祖收國元年春正月壬申朔諸路官民耆老畢會議創新儀奉上卽皇帝位阿離合懋宗翰乃陳耕具九祝以闡土養民之意復以良馬九隊隊九匹別爲色并介冑弓矢矛劍奉上國號大金建元收國  
元日聖誕上壽儀 皇帝陞御座鳴鞭報時殿前班

小起居各復位立舍人引皇太子并臣僚使客合班入至丹墀舞蹈五拜平立閣使奏諸道表目皇太子以下皆再拜引皇太子升殿褥位搢笏捧盞盤進酒皇帝受置於案皇太子退復褥位轉盤與執事者出笏二閣使齊揖入欄子內拜跪致辭云元正啟祚品物咸新恭惟皇帝陛下與天同休若聖節則云萬壽令節謹上壽卮伏願皇帝陛下萬歲萬歲萬萬歲祝畢拜興復褥位同殿下臣僚皆再拜宣徽使稱有制在位皆再拜宣答曰履新上壽與卿等內外同慶聖節則曰得卿壽酒與卿等內外同慶詞畢舞蹈五拜齊立皇太子搢笏執盤臣僚分班教坊奏樂皇帝舉酒殿上下侍立臣僚皆再拜



皇太子受虛爵退立褥位轉盤盞與執事者出笏左下  
殿樂止合班在外臣僚皆再拜分引與宴官上殿次引  
宋國人從至丹墀再拜不出班奏聖躬萬福再拜唱有  
勅賜酒食又再拜各祗候平立引左廊立次引高麗夏  
人從如上儀畢分引左右廊立御菓牀入進酒皇帝飲  
則坐宴侍立臣皆再拜進酒官接盞還位坐宴官再拜  
復坐行酒傳宣立飲訖再拜坐次從人再拜坐三盞致  
語揖從使并從人立誦口號畢坐宴侍立官皆再拜坐  
次從人再拜坐食入七盞曲將終揖從人立再拜畢引  
出聞曲時揖臣使起再拜下殿菓牀出至丹墀合班謝  
宴舞蹈五拜各祗候分引出

受尊號儀 皇統三年太師宗幹率百僚上表請上皇  
帝尊號凡三請詔允七日遣上京留守奭告天地社稷  
析津尹告太廟十日帝服袞冕御元和殿宗幹率百僚  
恭奉冊禮冊文云云臣等謹奉玉冊玉寶上尊號曰崇  
天體道欽明文武聖德皇帝是日皇帝改服通天冠安  
二品以上官及高麗夏國使十二日恭謝祖廟還御宣  
和門大赦改元大定七年恭上皇帝尊號前三日遣使  
奏告天地宗廟社稷前二日諸司停奏刑罰文字百官  
習儀於大安殿庭兵部帥其屬設黃麾仗於大安殿門  
之內外宣徽使帥儀鸞司於前一日設受御冊寶壇於  
大安殿中間又設御榻於壇上又設冊寶幄次於大安



殿門外及設皇太子幄次於殿東廊又設羣官次于大安門外大樂令與協律郎前一日設宮縣于殿庭又設登歌樂架於殿上立武表於殿下符寶郎即其日俟文武羣官入奉八寶置於御座左右候上寶冊訖復昇寶還所司其日質明奉冊太尉奉寶司徒讀冊中書令讀寶侍中以次應行事官並集於尚書省候冊寶與乘馬奉迎冊寶至應天門下馬由正門步導入至大安殿門外置冊寶于幄次昇冊寶牀等子人等分立于左右文武羣官並朝服入次攝太常卿與大樂令帥工人入就位協律郎各就舉麾位昇冊寶案官由西偏門先入置案于殿東西間褥位置訖各退于西階冊寶位後捧冊

官捧寶官昇冊匣官昇寶盞官由西偏門先入至殿西階下冊寶褥位之西東向立候閣門報通事舍人引冊侍中版奏中嚴訖典儀贊者各就位閣門官引文武分左右入於殿階下磚道之東西相向立符寶郎奉八寶由西偏門分入升置殿上東西間相向訖分左右立于寶後通事舍人引攝侍中版奏外辦扇合服袞冕以出曲直華蓋侍衛警蹕如儀殿上鳴鞭訖殿下亦鳴鞭初索扇協律郎跪俛伏興舉麾工鼓祝奏乾寧之曲出自東房卽座儀使副添香爐烟升殿簾捲協律郎偃麾曼啟樂止太常博士通事舍人自冊寶幄次分引冊太常卿前導吏部侍郎押冊而行奉冊太尉讀冊中書令舉



冊官于冊後以次從之次太常博士通事舍人二員分引寶禮部侍郎押寶而行奉寶司徒讀寶待中舉寶官於寶後以次從之由正門入宮縣奏歸美揚功之曲太常卿於冊牀前導至第一墀香案南籍冊寶褥位上少置太常卿與舉冊寶官退於冊寶稍西東向立應博士舍人立於其後昇冊寶牀綴子官等又於其後皆東向太尉司徒中書令侍中皆於冊後面北以次立吏部侍郎禮部侍郎次立于其後立定樂止閣門舍人分引東西兩班羣官合班轉北向立中間少留班路俟立定太常博士通事舍人四員分引太尉司徒中書令侍中吏部禮部侍郎以次各復本班訖博士舍人退以俟初引

時樂奏歸美揚功之曲至位立定樂止典儀曰拜贊者承傳太尉以下應在位官皆舞蹈五拜班首出班起居訖又贊再拜如朝會常儀太常博士通事舍人四員再引太尉司徒中書令侍中吏部禮部侍郎復進至冊寶所稍南立定昇冊寶牀弩手綴子官並進前舉冊寶牀興太常博士通事舍人二員分引冊太常卿前導吏部侍郎押冊而行奉冊太尉讀冊中書令舉冊官于冊後以次從之冊初行樂奏肅寧之曲次通事舍人太常博士又二員分引寶禮部侍郎押寶而行奉寶司徒讀寶侍中舉寶官於寶後以次從之詣西階下至冊寶褥位少置冊北寶南樂止昇冊寶牀弩手綴子官等退于後稍



西東向立捧冊官與昇冊官並進前取冊匣升太常博士通事舍人分引冊太常卿側身導冊先升奉冊太尉讀冊中書令舉冊官捧冊官于冊後以次從升冊初行樂奏肅寧之曲進至殿上博士舍人分左右于前楹立以俟讀冊中書令于欄子外前楹稍西立以俟舉冊官捧冊官立于其後奉冊太尉從升至褥位搢笏少前跪置訖執笏俛伏興樂止退於前楹稍西立以俟太常博士立于後太常卿少退東向立昇冊官立于其後皆東向捧冊官先入舉冊官次入讀冊中書令又次入捧冊官四員皆搢笏雙跪捧舉冊官二員亦搢笏兩邊單跪對舉中書令執笏進跪稱中書令臣某讀冊讀訖俛伏

興中書令俟冊興先退通事舍人引降自東階復本班訖太常卿降復寶牀前昇冊官並進與捧冊官等取冊匣興置於殿東間褥位案上西向捧舉冊官等降自東階還本班昇冊官亦退太常博士引奉冊太尉降自西階東向立以俟次捧寶官與昇寶官俟讀冊中書令讀訖出並進前取寶盃升太常博士通事舍人分引寶太常卿側身道寶先升奉寶司徒讀寶侍中舉寶官捧寶官于寶後以次後升寶初樂奏肅寧之曲進至殿上博士舍人俱退不升並於前楹稍西立俟讀寶侍中於欄子外前楹間稍西立以俟舉寶捧寶官立于其後捧寶司徒後升至褥位搢笏少前跪置訖執笏俛伏興樂止



司徒退於前楹西立以俟太常少退東向立昇寶官立於其後皆東向捧寶官先入舉寶官次入讀寶官又次入捧寶官四員皆搢笏雙跪捧舉寶官二員亦搢笏兩邊單跪對舉侍中執笏進跪稱侍中臣某讀寶讀訖俛伏興侍中俟寶興先退通事舍人引降自西階復本班訖昇寶官進前與捧寶舉寶官等取寶盃興置于殿之西間褥位案上東向捧寶舉寶官等與太常卿俱降自西階及吏部侍郎皆復本班昇寶官亦退太常博士引奉寶司徒次奉冊太尉東向立定博士舍人贊引太尉司徒進詣第一墀香案南褥位立定博士舍人稍退典儀曰拜贊者承傳在位官皆再拜訖博士舍人二員

引太尉詣東階升宮縣奏純成享上之曲至階止閣門使二員引太尉進至前立定樂止閣門使揖贊太尉拜跪賀殿下閣門揖百僚躬身太尉稱文武百僚具官臣等言致賀詞云云俛伏興退至階下博士舍人分引太尉降自東階初降宮縣作肅寧之曲復香案南褥位立定樂止博士舍人少退典儀曰拜贊者承傳太尉司徒及在位羣官俱再拜舞蹈三稱萬歲又再拜訖通事舍人引攝侍中升自東階進詣前楹間躬承旨退臨階西向稱有制典儀曰拜贊者承傳太尉司徒及在位羣官俱再拜躬身宣詞云云宣訖通事舍人引侍中還位典儀曰拜贊者承傳階上下應在位羣官俱再拜舞蹈三



稱萬歲又再拜訖博士舍人引分太尉司徒就百僚位  
初引宮縣作肅寧之曲至位立定樂止閣門舍人分引  
應北面位羣官各分班東西相向立定通事舍人引攝  
侍中升自東階當前楹間跪奏禮畢俛伏興舉麾工鼓  
祝奏乾寧之曲降座入自東房還後閣進膳侍衛警蹕  
如儀扇開樂止捧冊官帥昇冊牀人捧寶官帥昇寶牀  
人皆升殿取匣盞蓋訖置於牀前引進司官前導通事  
舍人贊引詣東上閣門上進通事舍人分引文武百僚  
等以次出歸幕次賜食以俟上壽上册寶禮畢有司供  
辦御牀及與宴羣臣位並如曲宴儀攝太常卿與太樂  
令帥宮人入并協律郎各就舉麾位俟舍人報通事舍

人引三師以下文武百僚親王宗室等分左右入至殿  
階下稍南東西相向立通事舍人先引攝侍中版奏中  
嚴少頃又奏外辦扇合鳴鞭協律郎跪俛伏興工鼓祝  
宮縣奏乾寧之曲服通天冠絳紗袍卽座簾捲內侍贊  
扇開殿上下鳴鞭戛鼓樂止儀使副等添香爐烟升通  
事舍人引班首以下合班樂奏肅寧之曲至北向位重  
行立定中間少留班路通事舍人引攝侍中詣東階升  
至殿上少立閣門舍人引禮部尚書出班前俛伏跪奏  
稱禮部尚書臣某言請允羣臣上壽俛伏興躬身通事  
舍人引攝侍中少退舍人贊禮部尚書再拜訖替祗候  
復本班內侍局進御牀入次良醞令于殿下橫街南酌



酒訖典儀曰拜贊者承傳在位官皆再拜隨拜三稱萬歲訖平立太常博士通事舍人分引揖上公由東階升初升宮縣奏肅寧之曲殿上舍人少退二閤使揖上公進至進酒褥位樂止宣徽使以爵授上公上公搯笏受爵詣榻前跪進受爵訖上公執盤授宣徽使訖二閤使揖上公入欄子內贊拜跪殿下閤門揖百僚皆躬身通事舍人揖攝侍中進詣前楹間躬承旨退臨階西向稱有制典儀曰拜贊者承傳上公及在位羣官皆再拜隨拜三稱萬歲訖躬身宣曰得公等壽酒與公等內外同慶閤門舍人贊宣諭訖上公與百僚皆舞蹈五拜訖閤門舍人引百僚分班東西序北向立博士舍人再引上

公自東階升宮縣奏肅寧之曲至進酒褥位樂止上公搯笏宣徽使授上公盤上公詣欄子內褥位跪舉酒宮縣奏景命萬年之曲飲訖上公進受虛爵訖復褥位以爵授宣徽使訖二閤使揖上公退內侍局昇御牀出博士舍人並進前分引降自東階宮縣作肅寧之曲閤門舍人分引東西兩班隨上公俱復北向位立樂止典儀曰拜贊者承傳在位官皆再拜三稱萬歲訖平立殿上通事舍人揖攝侍中進詣前楹間躬承旨退臨階西向閤門官先揖百僚躬身侍中稱有制典儀曰拜贊者承傳在位官皆再拜訖躬身宣曰延王公等升殿典儀曰拜贊者承傳在位官皆再拜訖太常博士通事舍人引



王公以下合赴宴羣臣分左右升殿不與宴羣臣分左右捲班出宮縣奏肅寧之曲百僚至殿上座後立樂止內侍局進御牀入依尋常宴會再進第一爵酒登歌奏聖德昭明之曲飲訖樂止執事者行羣臣酒宮縣作肅寧之曲文舞入觴行一周樂止尚食局進食執事者設羣官食宮縣奏保大定功之舞三成止出又進第二爵酒登歌奏天贊堯齡之曲飲訖樂止執事者行羣官酒宮縣作肅寧之曲武舞入觴行一周樂止尚食局進食執事者設羣官食宮縣奏萬國來同之舞三成止出又進第三爵酒登歌奏慶雲之曲飲訖樂止執事者行羣官酒宮縣作肅寧之曲觴行一周樂止尚食局進食執

事者設羣官食宮縣奏肅寧之曲食畢樂止閣門官分揖侍宴羣臣起立於席後通事舍人引攝侍中詣榻前俛伏興跪奏侍中臣某言禮畢俛伏興閣門舍人分引羣官俱降東西階內侍局昇御牀出宮縣作肅寧之曲至北向位立定樂止典儀曰拜贊者承傳在位官皆再拜訖搢笏舞蹈又再拜訖再分班東西序立扇合簾降殿上下鳴鞭協律郎俛伏跪舉麾興工鼓祝奏乾寧之曲降座入自東房還後閣侍衛如來儀內侍贊扇開憂敵樂止通事舍人引攝侍中版奏解嚴所司承旨放仗在位羣官皆再拜以次出

肆赦儀 大定七年正月十一日上尊冊禮畢十四日



應天門頒赦前期宣徽院使率其屬陳設應天門之內  
外設御座于應天門上又設更衣御幄于大安殿門內  
外稍東南向閣門使設捧制書箱案于御座之左少府  
監設鷄竿于樓下之左竿上置大盤盤中置金鷄鷄口  
銜絳幡幡上金書大赦天下四字卷而銜之盤四面近  
邊安四大鐵環盤底四面近邊懸四大朱索以備四伎  
人攀緣又設捧制書木鶴仙人一以紅繩貫之引以輓  
轆置于御前欄杆上又設捧鶴畫臺于樓下正中臺以  
弩手四人對舉大樂置設宮縣于樓下又設鼓于宮縣  
之左稍北東向兵部立黃麾仗于門外刑部御史臺大  
興府以囚徒集于左仗外御史臺閣門使設文武百官

位于樓下東西相向又設典儀位于門下稍東西向宣  
徽院設承受制書案于畫臺之前又設皇太子致賀褥  
位于百官班前又設協律郎位于樓上前楹稍東西向  
尚書省委所司設制書位于百官班之北稍東西向司  
天臺鷄唱生于東闕樓之上尚衣局備皇帝常服如常  
日視朝之服尚輦設輦于更衣御幄之前躬謝禮畢皇  
帝乘金輅入應天門至幄次前侍中俛伏跪奏請降輅  
入幄俛伏興皇帝降輅入幄簾降少頃侍中奏中嚴又  
少頃俛伏興皇帝降輅入幄簾降少頃侍中奏中嚴又  
羣官就門下分班相向立侍中就外辨皇帝服常朝服  
尚輦進輦侍中奏請升輦繳扇侍衛如常儀由左翔龍



門踏道升應天門至御座東侍中奏請降輦升座宮縣  
作所司索扇五十扇合皇帝臨軒即御座樓下鳴鞭簾  
捲扇開執御繖者張于軒前以障日樂止東上閣門使  
捧制書置於箱閣門舍人二員從以俟引繩降木鶴仙  
人通事舍人引文武羣官合班北向立宮縣樂作凡分  
班合班則樂作立定則止典儀曰再拜在位官皆再拜  
訖分班相向立侍中詣御座前承旨退稍前南向宣曰  
奉勅樹金鷄通事舍人于門稍前東向宣曰奉勅樹金  
鷄退復位金鷄初立大樂署擊鼓樹訖鼓止竿木伎人  
四人緣繩爭上竿取鷄所銜絳幡展示訖三呼萬歲通  
事舍人引文武羣官合班北向立樓上乘鶴仙人捧制

書循繩而下至畫臺閣使引至班前西向稱有制典儀  
曰拜在位官皆再拜訖以制書授尚書省長官稍前搢  
笏跪受訖以付右司官右司官搢笏跪受訖長官出笏  
俛伏與退復位右司官捧制書議宣制位都事對捧有  
司官宣讀至咸赦除之所司帥獄吏引罪人詣班南北  
向躬稱脫枷訖三呼萬歲以罪人過右司官宣制訖西  
向以制書受刑部官跪受訖以制書加于笏上退以付  
其屬歸本班典儀曰再拜皇太子以下羣官皆再拜搢  
笏舞蹈又再拜侍中于御座前承旨退臨軒宣曰有制  
典儀曰再拜皇太子以下羣官皆再拜侍中宣答宣訖  
歸侍位典儀曰再拜皇太子以下羣官皆再拜搢笏舞



蹈又再拜訖典贊儀引皇太子至門下褥位通事舍人引羣官分班相向立侍中詣御座前俛伏跪奏禮畢俛伏興退復位所司索扇宮縣樂作扇合簾降皇帝降座樂止樓下鳴鞭皇帝乘輦還內繖扇侍衛如常儀侍中奏解嚴通事舍人承勅羣臣各還次將士各還本所臣下拜赦詔儀宣赦日于應天門外設香案及設香輿于案前又于東側設卓子自皇太子宰臣以下序班定閤門官于箱內捧赦書出門置于案閤門官案東立南向稱有勅贊皇太子宰臣百僚再拜皇太子少前上香訖復位皆再拜閤門官取赦書授尚書省都事都事跪受及尚書省令史二人齊捧同升于卓子讀在位

皆跪聽讀訖赦書置于案都事復位皇太子宰臣百僚以下再拜搢笏舞蹈執笏俛伏興再拜拱衛直以下三稱萬歲訖退其降諸書禮亦准此惟不稱萬歲其外郡尚書省差官送赦書到京府節鎮先遣人報長官即率僚屬吏從備旗幟音樂綵輿香輿詣五里外迎見送赦書官即于道側下馬所差官亦下馬取赦書置綵輿中長官詣香輿前上香訖所差官上馬在香輿後長官以下皆上馬後從鳴鈺鼓作樂導至公廳從正門入所差官下馬執事者先設案并望闕褥位于庭中香輿置于案之前又設所差官位在案之側又設卓子于案之東南所差官取赦書置于案綵輿退所差官稱有勅長官



以下皆再拜長官少前上香訖退復位再拜所差官取赦書授都目都目跪受及孔目官二員三人齊捧赦書登高几上宣讀在位官皆跪聽讀訖都目等復位長官以下再拜舞蹈俛伏興再拜公吏以下三稱萬歲禮畢明日長官僚屬音樂送至郭外

冊皇后儀 天德二年十月九日冊妃單徒氏爲皇后前一日儀鸞司設座勤政殿南向設羣臣次于朝堂大樂令展宮縣于殿庭設協律郎舉麾位于樂縣西北東向閤門設百官班位于庭並如常朝之儀又設興儀位于班位之東北贊者二人在南少却俱西向設冊使副位于殿門外之東又設冊使副受命位于百官班前又

設冊寶幄次二于殿後東廂俱南向其日諸衛勅所部畧列黃麾細仗于庭符寶郎奉八寶置於左右吏部侍郎奉冊禮部侍郎奉寶匣皆置于牀訖出就門外班大樂令協律郎樂工典儀贊者各入就位羣官等依時刻集朝堂俱就次各服朝服侍中約刻板奏請中嚴通事舍人引羣官入就庭東西相向立以北爲上又引冊使副立于東偏門西向門下侍郎引主節奉節立于殿下東廊橫街北中書令中書侍郎帥舉捧冊官奉冊牀立于節南侍中門下侍郎帥舉捧寶官奉寶牀立于冊牀之南俱西向侍中版奏外辦殿上索扇協律郎舉麾宮縣作皇帝服通天冠絳紗袍出自東房由直華蓋警蹕



侍衛如常儀卽座南向坐簾捲樂止通事舍人引冊使副入宮縣作使副就受命位侍中中書令門下侍郎中書侍郎舉捧官依舊西向立羣臣合班橫行北面如常朝之儀立定典儀曰再拜贊者承傳班首以下羣臣在位者皆再拜班首問起居又再拜閣門官引攝侍中出班承制降詣使副東北西向稱有制使副稍前鞠躬再拜攝侍中宣制曰命公等持節授后冊寶宣制訖又俱再拜侍中還班門下侍郎引主節詣冊使所主節以節授門下侍郎門下侍郎執節西向授太尉太尉授付主節主節立于使副之左右門下侍郎退還班位中書侍郎引冊牀門下侍郎引寶牀立于冊使東北西向以次

授與太尉太尉皆捧受冊牀置于北寶牀置于南侍中中書令禮儀使舉捧冊寶官及舁牀者退于東西導道之左右相向立門下侍郎中書侍郎退還班位典儀曰再拜贊者承傳羣官在位者皆再拜訖分班東西相向立捧舉舁冊寶牀者進冊牀先行讀冊官次之寶牀先行讀寶官次之舉舁官各分左右通事舍人引冊使隨之以行持節者前導太尉初行宮縣樂作出殿門樂止攝侍中出班升殿奏侍中臣言禮畢殿上索扇簾降宮縣樂作降座入自東房樂止通事舍人引羣官在位者以次出俟太尉司徒復命禮畢還內先是有司預設太尉司徒本品輦車鹵簿于門外至殿門左右排列俟使



副出鼓吹振作禮儀使舉捧官執節者并擡舁人以冊  
寶少駐于泰和門太尉司徒及讀冊寶官暫歸幕次內  
侍閣門引入泰和殿俟至殿下位鼓吹止有司預供帳  
泰和殿設皇后座于宸前殿上垂簾又設東西房于座  
之左右稍北又設受冊位于殿庭西階之南東向又設  
內命婦次于殿之左右大樂令設宮縣于庭協律郎設  
舉麾位于殿上又設冊寶次于門外又設行事官次于  
門左右又設外命婦次于門之內其日諸衛于殿門外  
畧設黃麾細仗有司設二步障于殿之西階簾前設扇  
左右各十紅繖一在西階欄杆外又設舉冊寶案位于  
使副之前北向又設宣徽使位于北廂南向司贊設內  
外命婦以下陪列位于殿庭墀道之左右每等重行異  
位北向內命婦在後又設司寶位于東階東南贊者二  
人在南少退俱西向質明執事官大樂令等各就位皇  
帝常服乘龍飾肩輿至泰和殿後閣近仗導衛如常儀  
宣徽使奏中嚴冊使副入門宮縣樂作俟冊使庭中立  
樂止冊在北寶在南使副立于牀後禮儀使帥持節者  
立于前舉捧冊寶官立于冊寶牀左右讀冊寶官各立  
于其後宣徽使奏外辦內侍閣門官引后出後閣門宮  
縣樂作簾捲皇后降自西階左右步障繖扇從至階下  
望勤政殿御閣所在立樂止冊使進于右宣曰有制閣  
門使內侍贊再拜冊使宣曰制遣太尉臣某司徒臣某



恭授后冊寶閣門使內侍贊再拜冊使少退中書令侍  
中及舉捧官率擡舁人奉冊寶以次進于前宮縣作冊  
寶牀自東階升並置于殿之前楹間冊牀在北寶牀在  
南中留讀冊寶官立位並去帕及蓋擡舁人執之退立  
于西朶殿舉擡官分左右相向立讀冊寶官各立于牀  
之東西向既立定樂止閣門使內侍贊再拜捧謝表官  
以表授左立內侍內侍以授后受訖以付右立內侍內  
侍持表立于右閣門使贊再拜訖冊使還宮縣樂作持  
表內侍以表付閣門官隨冊使行冊使副至門鼓吹部  
作如來儀入西偏門鼓吹止冊使副至御閣所在俛伏  
跪奏太尉臣某司徒臣某奉制授冊寶禮畢俛伏興退

持表閣門官進表近侍接入進讀訖退初冊使退及門  
樂止閣門內侍引后自西階升殿宮縣樂作繳扇止于  
簾外退于左右朶殿前步障止于階下卷之后于座前  
南向立樂止中書令詣冊牀南立北向稱中書令臣某  
謹讀冊讀畢降自東階欄外第一墀上西向次侍中詣  
寶牀南立北向揖稱侍中臣某讀寶讀畢降階立于中  
書令之北西向內侍閣門引升座宮縣樂作坐定樂止  
舉捧官以次招擡舁人持帕蓋覆匣牀奉置殿之左右  
冊牀在東寶牀在西置訖舉捧官以次降階立于中書  
令侍中之後立定合班北向閣門贊再拜拜訖降東階  
退出殿門其擡舁人置冊寶牀于東西訖各由朶殿下



階於侍中等班後直出殿門以俟復入擡冊入宮受冊  
表謝訖內侍跪奏禮畢閣門引內外命婦陪列者以次  
進就北向位班首初行宮縣樂作至位樂止閣門曰再  
拜命婦皆再拜閣門引班首自西階升樂作至階樂止  
進當座前北向躬致稱賀訖降自西階樂作至位樂止  
閣門曰再拜舍人承傳命婦等皆再拜閣門使前承令  
降自西階詣命婦前西北東向稱有教旨命婦等皆拜  
閣門使宣口祇奉聖恩授以寶冊榮幸之至兢厲增深  
所賀知舍人曰再拜命婦皆再拜訖內侍引內命婦還  
宮班首初行樂作出門樂止內侍引外命婦出次宣徽  
奏稱禮畢降坐宮縣樂作入東房樂止歸閣宮縣樂作

至閣樂止更常服內侍承教旨宣外命婦入會並如常  
儀會畢閣門引外命婦降階橫班北向舍人曰再拜訖  
以次出還家如來儀中書門下侍郎復以引進司帥擡  
昇人進冊寶入內付與都點檢司退別日會羣官會妃  
主宗室等賜酒設食簪花教坊作樂如內宴之儀十一  
日朝永壽永寧兩宮皇后既受冊越二日內侍設座于  
所御殿南向其日夙興宣徽使版奏中嚴質明諸侍衛  
宮人俱詣寢殿奉迎宣徽使版奏外辦后首飾褱衣御  
車內侍前導降自西階以出侍衛如常儀至太后之裡  
門外降車障扇侍衛如常儀入立于西廂東向將至宣  
徽使版奏請中嚴既降車宣徽使版奏外辦太后常服



宣徽使引升座南向宣徽使引后進升自西階北面再拜進跪致謝詞存撫賜酒食並如家人之儀禮畢宣徽使引降自西階以出出門宣徽使奏禮畢降座入宮

冊皇太后儀 其日質明有司各具繖扇侍衛如儀及兵部約量差軍兵并文武百官詣兩宮迎請引導皇太后入內並赴受冊殿入御幄侍衛如式次奉冊太尉等俱以冊置于案奉寶司徒等俱以寶置于案皆盛以匣覆以帕詣別殿門外幄次教坊提點率教坊入侍衛官各就列皇帝常服乘輿至別殿後幄次通事舍人引宣徽使版奏中嚴復位少頃又奏外辦幄簾捲教坊樂作扇合兩宮皇太后出自後幄並即御座南向扇開樂止

分左右少退通事舍人引文武百僚班左入依品重行西向立定通事舍人喝起居班依常朝例起居七拜訖引文武百僚班分東西相向立通事舍人太常博士贊引太常卿前導押冊官押冊而行奉冊太尉讀冊中書令舉冊官等以次從之次押寶官押寶而行奉寶司徒讀寶侍中舉寶官等以次從之俱自正門入教坊樂作至殿庭西階下少東北向于褥位少置樂止冊北寶南通事舍人太常博士贊引太常卿前導押冊官押冊升樂作奉冊太尉等從之進至兩宮太后座前褥位樂止兩宮冊寶齊上齊讀舉冊官夾侍奉冊太尉各搢笏北向跪俛伏與退立讀冊中書令俱進向冊前跪奏稱攝中書令具



官臣某謹讀冊舉冊官單跪對舉中書令各搢笏讀訖  
執笏俯伏興搢笏捧冊興于位東迴冊由北向並進跪  
置于御座前褥位中書令舉冊官俱降還位奉冊太尉  
並降階東向以俟押寶官押寶升樂作奉寶司徒等從  
之進至兩宮皇太后座前褥位樂止舉寶官夾侍奉寶  
司徒各搢笏北向跪俛伏興退立讀寶侍中俱進當寶  
前跪奏稱攝侍中具官臣某謹讀寶舉寶官單跪對舉  
侍中各搢笏讀訖執笏俯伏興搢笏捧寶興於位東迴  
寶函北向並進跪置御座前褥位冊之南通事舍人太  
常博士贊引太尉司徒以次應行事官俱降自西階復  
本班序立宣徽使一員詣皇帝御幄前俛伏跪奏臣某

謹請皇帝詣兩宮皇太后前行稱賀禮俛伏興贊引皇  
帝再拜又奏請北向跪皇帝賀曰嗣皇帝臣某云云俛  
伏興又再拜訖又奏請皇帝少立內侍承旨退西向稱  
兩宮太后旨云云皇帝再拜宣徽使前引皇帝歸幄常  
服乘輿還內侍衛如來儀應階下文武百僚重行立定  
通事舍人喝拜在位皆再拜通事舍人引太師升俛伏  
跪奏稱文武具官臣某等稽首言皇太后殿下顯對冊  
儀永安帝養仰祈福壽與天同休俛伏興降自西階復  
位立定通事舍人贊在位官皆拜舞蹈三稱萬歲又再  
拜宣徽使升自東階取旨退臨階西向稱兩宮皇太后  
旨通事舍人贊在位官皆再拜畢宣曰公等忠敬盡心



推崇協力膺茲令典感媿良深宣訖還位通事舍人贊謝宣諭拜在位官皆再拜舞蹈三稱萬歲又再拜通事舍人分引應北向官各分班東西立宣徽使升自東階奏稱具官臣等言禮畢降還位扇合皇太后並興教坊樂作降座還殿後幄次開扇樂止通事舍人引宣徽使奏巖中書侍郎等各帥捧冊牀官升殿跪捧冊並置于牀次門下侍郎等各帥捧寶牀官升殿跪捧寶並置于牀訖通事舍人引詣東上閣門投進所司文武百僚以次出皇太后常服乘輿各還本宮引道如來儀文武百僚詣東上閣門拜表賀皇帝退禮畢各赴本宮受內外命婦稱賀所司預于殿內設皇太后御座司賓引內外

命婦於殿庭北向依接前序立尚儀奏請皇太后常服卽座司贊曰再拜命婦皆再拜司賓引班首詣西階升跪賀稱妾某氏等言伏惟皇太后殿下天資聖善昭受鴻名凡在照臨不勝欣忭興降階復位司贊曰再拜內外命婦皆再拜尚宮乃宣答曰膺茲典禮感媿良深司贊曰再拜在位者皆再拜退赴別殿賀皇帝亦如賀皇太后之儀惟不致詞不宜答

冊皇太子儀前冊前冊前冊三日遣使同日奏告天地宗廟冊前一日宣徽使院帥儀鸞司設御座于大安殿當中南向設皇太子賓于門外之東西向又設文武百僚應行事官東宮官等次于門外之東西廊又設冊寶幄次于殿



續文獻通考 卷之二百一十七  
後東廂俱南向又設受冊位于殿庭樹階之南工部官  
與監造冊寶官公服自製造所道引冊寶牀由宣華門  
入約宣徽院同檢視畢赴幄次安置大樂令帥其屬展  
樂縣于庭兵部帥其屬設黃麾仗于大安殿門之內外  
其日質明文武百僚應行事官並朝服入次東宮官各  
朝服自東宮乘馬導從至左翔龍門外下馬入就次通  
事舍人分引百官入就次東西相向次引侍中中書令  
門下侍郎中書侍郎及捧昇冊寶官詣殿後幄次前立  
少頃奉冊寶出幄次由大安殿東階至庭中褥位權置  
訖奉引冊寶官立于其後皇太子服遠遊冠朱明衣出  
次三師三少以下導從立于門外侍中奏中嚴符寶郎

奉入寶由東西偏門入升置御座之左右侍中奏外辦  
內侍承旨索扇扇合皇帝服通天冠絳紗袍以出曲直  
華蓋侍衛如常儀鳴鞭宮縣樂作皇帝出自東序卽御  
座爐烟升扇開簾捲樂止典贊儀引皇太子入門宮縣  
樂作至位樂止師少以下從人立于皇太子位東南西  
向典儀贊皇太子再拜播笏舞蹈又再拜奏聖躬萬福  
又再拜引近東西向立師少以下并奉昇冊寶等官各  
赴百官東班樂作至位樂止通事舍人引羣官俱橫班  
北向典儀贊拜在位官皆再拜播笏舞蹈又再拜起居  
又再拜畢百官各還東西班師少以下并行事官各還  
立位典贊儀引皇太子復受冊位樂作至位樂止侍中



承旨稱有制皇太子已下應在位官皆再拜躬身侍中  
宣制曰冊某王爲皇太子又再拜通事舍人太常博士  
引中書令詣讀冊位中書侍郎引冊匣置于前捧冊官  
西向跪授皇太子跪讀畢俛伏興皇太子再拜中書令  
詣捧冊位奉冊授皇太子搢圭跪受冊以授右庶子右  
庶子跪受皇太子俛伏興右庶子以冊興置于牀中書  
令以下退復本班次通事舍人太常博士引侍中詣奉  
寶位門下侍郎引寶盃立于其右侍中奉寶授皇太子  
搢圭跪受以授左庶子左庶子跪受皇太子俛伏興左  
庶子以寶興置于牀侍中以下退復本班典儀贊再拜  
畢引皇太子退初行樂作左右庶子帥其屬昇冊寶牀

以出出門樂止侍中奏禮畢內侍承旨索扇扇合扇降  
鳴鞭樂作皇帝降座入自西序還後閣侍衛如來儀扇  
開樂止侍中奏解嚴所司承旨放仗衛以次出皇太子  
入次改服公服還東宮導從如來儀冊後二日兵部設  
黃麾仗于仁政殿門之內外陳設並如大安殿之儀百  
官服朝服皇太子公服至次改服遠遊冠朱明衣通事  
舍人引百官入至階下立班東西相向典儀引皇太子  
執圭出次立于門外侍中奏中嚴少頃又奏外辨皇帝  
出自東序卽座簾捲通事舍人引百官俱橫班北向典  
儀贊拜在位官皆再拜搢笏舞蹈又再拜起居又再拜  
訖分班皇太子捧表入至拜表位立俟閣門使將至單



跪捧表閣門使接表皇太子俛伏興典儀贊再拜搢圭  
舞蹈又再拜俟讀表畢侍中承旨退稱有制典儀贊再  
拜興躬身宣訖典儀贊再拜搢圭舞蹈又再拜引皇太  
子退侍中奏禮畢扇合鳴鞭入西序還後閣侍衛如來  
儀侍中奏解嚴放仗百官以次出後二日百官奉表稱  
賀如常儀

皇太子生日正旦受賀儀 太定二年世宗命有司議  
親王百官及妃主命婦見皇太子禮有司按唐宋舊儀  
擬親王宗室賀皇太子依冊畢受賀禮然唐禮元正復  
有降階見伯叔答羣官再拜之文又無妃主命婦見太  
子之禮稽古今文凡應致恭之臣相見或貴賤殊隔或

長幼親戚任從私禮請自今若在東宮候皇太子便服  
則當從私禮接若三師以下遇皇太子誕日在御前則  
候皇太子先進酒畢百官望皇太子再拜班首跪進酒  
又再拜若賜酒卽當殿跪飲畢又再拜以爲定制命頒  
行之十二月晦太子乃奏狀曰按禮文親王并一品宗  
室皆北面拜伏臣但答揖而已雖曰尊宗子而在長幼  
惇敘之間誠所未安當時遽蒙頒降未獲謙讓明日元  
正有司將舉此禮伏望聖慈許臣答拜庶敦親親友愛  
之義上從之命尙書省頒下所司若皇太子生日則公  
服左上露臺欄子外先再拜二閣使齊揖入欄子內拜  
跪祝畢就拜興復位再拜又再拜接臺進酒退跪候飲



畢接盞復位轉臺與執事者再拜宣徽使以酒進皇帝親賜酒接盞稍退跪飲畢宣徽使接盞復位再拜復揖入欄子內搢笏受賜物畢出笏興復位再拜退更衣入殿稍東西向立皇妃等進勸生日酒皇太子跪皇妃等亦跪飲畢各再拜羣臣致賀則其日質明皆公服集于門外少詹事奏請內嚴又奏外備典儀引升座文武宮臣入就庭下重行北向盡典儀曰再拜在位官皆再拜班首稍前跪奏元正首祚生日則云慶誕令辰伏惟皇太子殿下福壽千秋賀畢復位典儀曰再拜宮官皆再拜坐受分東西序立次引東宮三師于殿上三少于殿柱外北向東上立皇太子詣南向褥位典儀曰再拜師少皆再拜班首同前稱賀復位執事者酌酒一卮班首奏進樂作飲訖樂止回勸師少畢各復位典儀贊師少再拜皇太子答拜師少出皇太子就坐次引親王入欄子內一品宗室于欄子外餘宗室序班庭下拜致賀進酒如上儀皇太子答拜畢就坐復引隨朝三師三公宰執于殿上三品以下職事官于露階上四品以下于庭下北向每等重行以東爲上立皇太子詣褥位典儀曰再拜上下皆再拜畢班首少前致賀復位執事者酌酒一卮班首奉進樂作飲畢樂止如有進獻如常儀回勸三師三公餘殿上羣官則令執事者以盤行酒飲畢典儀曰再拜上下皆再拜乃答拜引羣官以次出少詹事



跪奏禮畢

皇太子與百官相見儀 三師三公欄子內北向躬揖班首稍前奉候皇太子離位稍前正南立答揖宰執及一品職事官扣欄子北向躬揖答揖如前二品職事官欄子外向南躬揖皇太子起揖三品職事官露階稍南躬揖皇太子坐揖四品以下職事官宮庭下躬揖跪問候皇太子坐受太子太傅太保與隨朝三師同東宮三少與隨朝二品同詹事以下並在庭下面北每品重行以東爲上再拜稍前問候又再拜皇太子坐受 七年定制皇太子赴朝許與親王宰執相見餘官宗室並迴避後亦許與樞密使副御史大夫判宗正東宮三師相

見 九年定制凡皇太子出于都門三里外設褥位三公宰執以下公服重行立皇太子便服三公宰執以下鞠躬班首致辭云青宮萬福再拜皇太子答拜退迎送皆同 章宗時禮部尚書張行簡言唐制僕射宰相上日百官通班致賀降階答拜國朝皇太子元正生日三師三公宰執以下須羣官同班拜賀皇太子立受再答拜今尚書省宰執上日分六品以下別爲一班揖賀宰執坐答揖左右司郎中五品官廷揖亦坐答之臣謂身坐舉手答揖近于坐受也宰執受賀其禮乃重于皇太子恐于義未安別爇明微禮之大節伏請宰執上日令三品以下官同班賀宰執起立依見三品官儀式通答



揖上曰此事何不早辨正之如都省擅行卿正之是矣  
行簡對曰禮部蓋嘗參酌古今典禮擬定儀式省廷不  
敢輒改以奏下尚書省議遂用之宰執上日三品以下  
羣官通班賀起立答拜自此始

外國使入見儀 皇帝即御座鳴鞭報事畢殿前班小  
起居畢至侍立位引臣僚左右入丹墀小起居宰執上  
殿其餘臣僚分班出閣門使奏使者入見膀子先引宋  
使副出笏捧書左入至丹墀北向立閣使左下接書捧  
書者單跪受書拜起立閣使左上露階右入欄內奏封  
全轉讀畢引使副左上露階齊揖入欄內揖使副鞠躬  
使少前拜跪附奏畢拜起復位立待宣問宋皇帝時並

鞠躬受勅旨再揖鞠躬使少前拜跪奏畢起復位齊退  
却引使副左下至丹墀北向立禮物右入左出盡揖使  
副旁折通班再引至丹墀舞蹈五拜不出班奏聖躬萬  
福再拜揖使副鞠躬使出班謝面天顏復位舞蹈五拜  
再揖使副鞠躬使出班謝遠差接伴兼賜湯藥諸物等  
復位舞蹈五拜各祗候引右出賜衣次引宋人從入通  
名以下再拜不出班又再拜各祗候亦引右出次引高  
麗使左入至丹墀北向畧立引使左上露階立定揖橫  
使鞠躬正使少前拜跪附奏畢拜起復位閣使宣問高  
麗王時並鞠躬受勅旨畢再揖橫使鞠躬正使少前拜  
跪奏畢拜起復位齊退却引左下至丹墀面殿立定禮



物右入左出盡揖使旁折通班畢引至丹墀通一十七拜各祇候平立引左階立次引夏使見如上儀引右階立次再引宋使副左入至丹墀謝恩舞蹈五拜各祇候平立次引高麗夏使並至丹墀三使並鞠躬有勅賜酒食舞蹈五拜各祇候引右出次引宰執下殿禮畢

曲宴儀 皇帝即御座鳴鞭報時畢殿前班小起居到侍立位引臣僚并使客左入旁折通班至丹墀舞蹈五拜不出班奏聖躬萬福又再拜出班謝宴舞蹈五拜各上殿祇候分引與宴官上殿其餘臣僚右出次引宋使從人入至丹墀再拜不出班奏聖躬萬福又再拜有勅賜酒食又再拜引左廊立次引高麗夏使從人入分引

左右廊立果嶽入進酒皇帝舉酒時上下侍立官並再拜接盞畢候進酒官列位當坐者再拜坐即行臣使酒傳宣立飲畢再拜坐次從人再拜坐至四盞餅茶入致語聞鼓笛時揖臣使并從人立口號絕坐宴并侍立官並再拜坐次從人再拜坐食入五盞歇宴教坊謝恩畢揖臣使起果牀出皇帝起入閣臣使下殿歸幕次賜花從人隨出戴花畢先引從人入左右廊立次引臣使入左右上殿位立皇帝出閣坐果牀入坐立並再拜坐次從人再拜坐九盞將曲終揖從人至位再拜引出聞曲時揖臣使起再拜下殿果牀出至丹墀謝宴舞蹈五拜分引出



朝辭儀 皇帝即御座鳴鞭報時畢殿前班小起居至侍立位引臣僚合班人至丹墀小起居引宰執上殿其餘臣僚分班出閣使奏辭膀子先引夏使左入旁折通班畢至丹墀再拜不出班奏聖躬萬福又再拜揖使副鞠躬使出班戀闕致詞復位又再拜唱各好去引右出次引高麗使如上儀亦引右出次引宋使副左入旁折通班畢至丹墀依上通六拜各祇候平立閣使賜衣馬鞠躬聞勅再拜賜衣馬畢平身搢笏單跪受別錄物過盡出笏拜謝恩舞蹈五拜有勅賜酒食舞蹈五拜引使副左入齊揖入欄內揖鞠躬大使少前拜跪受書起復使副齊鞠躬受傳達畢齊退引左下至丹

墀鞠躬唱各好去引右出次宰執下殿禮畢 先是熙宗時夏使入見改為大起居定制以宋使列于三品班高麗夏列于五品班皇統二年六月定臣使辭見臣僚服色拜數止從當朝起居三國使班品如舊俟殿前班及臣僚小起居畢宰執升殿餘臣分班畢乃令行入見及朝辭之禮凡入見則宋使先禮畢夏使入禮畢而高麗使入朝辭之賜則遣使就賜于會同館惟宋使則庭授

續文獻通考卷之一百十七終



又曰辛、豐、土、八、日、元、正、天、壽、三、日、行、幸、四、  
又曰齋小、跌、器、畢、宰、牲、十、強、繪、日、合、班、畢、八、令、計、人、具、  
頭、身、拜、禮、土、於、當、障、跌、器、三、國、對、班、品、吹、管、舞、舞、前、班、  
高、麗、真、既、于、正、品、班、皇、赫、二、平、六、日、宗、對、班、舞、舞、前、班、  
宗、親、真、對、人、具、如、為、大、跌、器、家、備、以、宋、對、班、于、三、品、班、  
對、班、與、各、秋、去、作、亦、出、交、宰、牲、十、強、豐、畢、一、共、具、具、

續文獻通考卷之一百十八

皇明進士雲間王圻纂輯

王禮考 朝儀 元

元肇興朔漠朝會燕享之禮多從本俗太祖元年大會諸  
侯王於斡難河即皇帝位始建九旒白旗世祖至元八  
年命劉秉忠許衡始制朝儀自是皇帝即位元正天壽  
節及諸王外國來朝冊立皇后皇太子羣臣上尊號進  
太皇太后皇太后冊寶暨郊廟禮成羣臣朝賀皆如朝  
會之儀而大享宗親錫宴大臣猶用本國之禮為多  
元作禮典上中下篇一曰朝會二曰燕享三曰行幸四



續文獻通考 卷之三百八  
日符寶五日輿服六日樂七日曆八日進講九日御書  
十日學校十有一日藝文十有二日貢舉十有三日舉  
遺逸十有四日求言十有五曰進書十有六日遣使十  
有七日朝貢十有八日瑞異為禮典上篇一日郊祀二  
日宗廟三日社稷四日嶽鎮海瀆五日三皇六日先農  
七日宣聖廟八日諸神祀典九日功臣祀廟十日謚十  
有一日賜碑十有二日旌表為禮典中篇一日釋二曰  
道為禮典下篇蓋朝會以尊君治人之道也郊廟以禋  
祀事神之道也佛氏為教超乎神人之表所以輯福于  
國家民庶者也故各為一篇之首  
按元之禮典以朝會為上篇之首曰尊君治人也以郊

廟為中篇之首曰禋祀事神也殊不知物所自生莫大  
於天地身所自出莫大於祖宗故周之五禮以吉禮為  
先而郊廟其最重也安可降郊廟於朝會之後乎且佛  
氏為教滅絕倫理而耗國蠹民聖王所必斥者也乃以  
為超於神人之上而輯福於國家民庶何謬哉此元之  
禮典不足取也

太宗即皇帝位耶律楚材時為中書令定策立儀禮皇族  
尊長皆令就班列拜尊長之有拜禮自此始

世祖中統元年監察御史魏初上疏曰臣聞君猶天也臣  
猶地也尊卑之禮不可不肅方今內有太常有史官有  
起居注以議典禮記言動外有高麗安南使者入貢以



觀中國之儀昨聞錫燕大臣威儀弗謹非所以尊朝廷正上下也疏入帝欣納之 至元初尚未遑興建宮闕凡遇稱賀同臣庶皆集帳前無尊卑貴賤之辨執法官厭其喧雜揮杖擊逐之去而復來者數次翰林承旨王磐時兼太常卿慮將貽笑外國奏請立朝儀遂如其言八年初起朝儀先是 六年太保劉秉忠大司農孛羅奉 旨命趙秉溫史杠訪前代知禮儀者肄習朝儀既而秉忠奏曰一人習之雖知之莫能行也得旨許用十人遂徵儒生周鐸劉允中尚文岳忱關思義侯祐賢蕭琬徐汝嘉從 出金故老烏古倫居貞完顏復昭完顏從愈葛從亮 曰野及國子祭酒許衡太常卿徐世隆

稽諸古典參以時宜沿情定制而肄習之百日而畢秉忠及翰林太常奏曰今朝儀既定請備執禮員有旨命丞相安童大司農孛羅擇蒙古宿衛士可習容止者二百餘人肄之期月至七年二月奏以丙子觀禮前期一日布綿葦於金帳殿前帝及皇后臨觀于露階禮文悉無遺失是月立侍儀司先是劉秉忠等奏請建官典朝儀帝命與尚書省論定以聞至是以忽都于思也先乃為左右侍儀奉御趙秉溫為禮部侍郎兼侍儀司事周鐸劉允中為左右侍儀使尚文岳忱為左右直侍儀事關思義侯祐賢為左右侍儀副使蕭琬徐汝嘉為僉左右侍儀事烏古倫居貞為承奉班都知完顏復昭為引



進副使葛從亮為侍儀署令于伯儀為尚衣局大使  
夏四月侍儀司奏請製內外仗如歷代故事從之 秋  
七月內外仗成遇八月帝生日號曰天壽聖節用朝儀  
自此始 九年定受宣勅官禮儀 二十一年右丞相  
率百官奉王冊王寶上尊號曰憲天體道仁文義武大  
光孝皇帝諸王百官朝賀如朔旦儀

順帝元統二年十月正內外官朝會儀班次一依品從  
蘇天爵奏曰朝觀天子國家大體班制儀式不可不肅  
夫九品分官所以尊卑之序四方述職所以同遠近  
之風蓋位序尊嚴則觀望隆重朝廷典憲莫大於斯邇  
年以來朝儀雖設版位品秩率越班行均為衣紫從五

與正五雜居共曰服緋七品與六品齊列下至八品九  
品莫不皆然夫既踰越班制遂致行立不端因忘肅敬  
之心殊失朝儀之禮今後朝賀行禮聽讀詔赦先儘省  
部院臺正從二品衙門次諸司局院各驗職事散官序  
列正從班次濟濟相讓與與而行如有踰越品秩差亂  
位序者同失儀論以懲不恪庶幾貴賤有章儀式不紊  
上尊朝廷之典禮下聳中外之觀瞻

馬祖常曰百官朝見奏事古有朝儀今國家有天下百  
年典章文物悉宜燦然光于前代况欽遇列聖文明之  
主如科舉取士吏員降等之類屢復古制惟朝儀之典  
不講而行使後世無以鑒觀則于國家大平禮樂之盛



實為闕遺且夫羣臣奏對之際御史執簡史官執筆縉紳佩王儼然左右則雖有懷奸利乞官賞者亦不敢公出諸口如蒙聞奏命中書省會集文翰衙門官員究講參酌古今之宜或三日二日一常朝則治道昭明生民之福也

元正受朝儀 前期三日習儀于聖壽萬安寺前二日陳設于殿廷至期大昕侍儀使引導從護尉各服其服入至寢殿前捧牙牌跪報外辦內侍入奏出傳制曰可侍儀俛伏興皇帝出閣陞輦鳴鞭三侍儀使并通事舍人分左右引擎護尉劈正斧中行導至大明殿外劈正斧直正門北向立導從倒卷序立惟扇置于銜侍儀使

導駕時引進使同內侍官引宮人擎執導從入至皇后宮廷捧牙牌跪報外辦內侍入啟出傳旨曰可引進使俛伏興皇后出閣陞輦引進使引導從導至殿東門外引進使分退押直至聖塗之次引導從倒卷出俟兩宮升御榻鳴鞭三劈正斧退立于露階東司晨報時鷄唱畢尚引引殿前班皆公服分左右日精月華門就起居位相向立通班舍人唱曰左右衛上將軍兼殿前都檢點臣某以下起居尚引唱曰鞠躬曰平身引至丹墀拜位知班報班齊宣贊贊唱曰拜通贊贊曰鞠躬曰拜興曰都點檢稍前宣贊報曰聖躬萬福通贊贊曰復位曰拜興拜興平身曰播笏曰鞠躬曰三舞蹈曰跪左膝三頭



曰山呼曰山呼曰再山呼凡傳山呼控鶴呼譟應和曰萬歲傳再山呼應曰萬萬歲

後做此 曰出笏曰拜曰興拜興拜興平身宣贊唱曰各恭

事兩班點檢宣徽將軍分左右升殿宿直以下分立殿

前尚廐分立伏南管旗分立大明門南楹俟后妃諸王

駙馬以次賀獻禮畢興引引丞相以下皆公服入日精

月華門就起居位通班唱曰文武百僚開府儀同三司

錄軍國重事監修國史右丞相具官無常臣某以下起居典

引贊曰鞠躬平身引至丹墀拜位知班報班齊宣贊唱

曰拜通贊贊曰鞠躬曰拜興拜興平身曰搢笏曰鞠躬

曰三舞蹈曰跪左膝三叩頭曰山呼曰山呼曰再山呼

曰出笏曰就拜曰興拜興拜興平身侍儀使詣丞相前

請進酒雙引升殿前行樂工分左右引登歌者及舞童

舞女以次升殿門外露階上登歌之曲各有名音中本

月之律先期儀鳳司運譜翰林院撰辭肄之丞相至宇下褥位立侍儀使

分左右北向立俟前行色曲將半舞旋列定通贊唱曰

分班樂作侍儀使引丞相由南東門入宣徽使奉隨至

御榻前丞相跪宣徽使立于東南曲終丞相祝贊曰溥

天率土祈天地之洪福同上皇帝皇后億萬歲壽宣徽

使答曰如所祝丞相俛伏興退詣進酒位尚醞官以觴

授丞相丞相搢笏奉觴北面立宣徽使復位前行色曲

舞旋至露階上教坊奏樂樂舞至第四拍丞相進酒皇

帝舉觴宣贊唱曰殿上下侍立臣僚皆再拜通贊贊曰



鞠躬拜興拜興平身丞相三進酒畢以觴授尚醞官出

笏侍儀使雙引自南東門出復位樂止至元七年進酒儀班首至殿前

褥位立前行進曲尚醞官執空盃自正門出授班首班首揖笏執空盃由正門入至御榻前跪俟曲終以盃授

尚醞官出笏祝贊宣徽使曰諾班首俛伏與班首宣徽使由南東門出各復位班首以下舞蹈山呼五拜百官

分班教坊奏樂尚醞官進酒殿上下侍立臣僚皆再拜三進酒畢班首降至丹墀至元十八年十二月二十八

日改通贊贊曰合班禮部官押進奏表章禮物二案至

橫階下宜禮物舍人進讀禮物日至第二重階俟進讀

表章官等翰林國史院屬官一人至字下齊跪宣表目舍人先讀

中外百司表目翰林院官讀中書省表畢皆俛伏興退

降第一重階下立俟進讀禮物舍人陞階至字下跪讀

禮物目畢俛伏興退平身同降至橫階隨表章西行至

右樓下侍儀仍領禮物東行至左樓下太府受之宣贊

唱曰拜通贊贊曰鞠躬曰拜曰興曰平身曰搢笏曰鞠

躬曰三舞蹈曰跪左膝三叩頭曰山呼曰山呼曰再山

呼曰出笏曰就拜曰興拜興拜興平立僧道耆老外國

番客以次而賀禮畢大會諸王宗親駙馬大臣宴饗殿

上侍儀使引丞相等陞殿侍宴凡大宴馬不過一羊雖

多必以獸人所獻之鮮及脯鱸折其數之半預宴之服

衣服同制謂之質孫宴饗樂節見宴樂節四品以上賜酒殿上典

引引五品以下賜酒于日精月華二門之下宴畢鳴鞭

三侍儀使導駕引進使導后還寢殿如來儀

天壽聖節受朝儀如元正儀



郊廟禮成受賀儀 如元正儀

皇帝即位受朝儀 前期三日習儀于萬安寺前二日  
 陳設于殿庭前一日設宣詔位于闕前至期大昕侍儀  
 使引導從護尉各服其服至皇太子寢門前捧牙牌跪  
 報外辦內侍傳旨曰可侍儀使俛伏興皇太子出閣侍  
 儀使前導由崇天門入升大明殿引進使引導從至皇  
 太子記閣前跪報外辦內侍出傳旨曰可引進使俛伏  
 興前導由鳳儀門入俟諸王以國禮扶皇帝登寶位畢  
 鳴白三尚引引點檢以下皆公服入就起居位起居贊  
拜如元  
 正如 班點檢宣徽將軍宿直尚廐管旗各恭事俟后  
 妃諸王駙馬以次賀獻禮畢叅議中書省事四人以筐

奉詔書由殿左門入至御榻前叅議中書省事跪奏詔  
 文俛伏興以詔授典瑞使押寶畢置于篚對舉由正門  
 出樂作至闕前以詔置于案文武百僚各公服就位北  
 向立侍儀使稱有制宣贊唱曰拜通贊贊曰鞠躬曰拜  
 興平身曰班首稍前典引引班首至香案前通贊贊曰  
 跪曰在位官皆跪司香贊曰摺笏通贊贊曰上香曰上  
 香曰三上香曰出笏曰就拜興曰復位宣贊唱曰拜通  
 贊贊曰鞠躬曰拜興拜興平身曰侍儀使以詔授左司  
 郎中郎中跪受同譯使稍西升木榻東向宣讀通贊贊  
 曰在位官皆跪讀詔先以國語宣讀隨以漢語譯之讀  
 畢降榻以詔授侍儀使侍儀使置于案通贊贊曰就拜



興拜興拜興曰搢笏曰鞠躬曰三舞蹈曰跪左膝三叩  
 頭曰山呼曰山呼曰再山呼曰出笏曰就拜曰興拜興  
 拜興平身曰立典引引丞相以下皆公服入起居位起  
 拜舞祝頌進酒獻表賜宴並同元正受朝儀宴畢鳴鞭三侍儀使導駕引進  
 使導后入寢殿如來儀次日以詔頒行

羣臣上尊號禮成受朝賀儀 前期二日儀鸞司設大  
 次于大明門外又設進冊案于殿內御座前之西進寶  
 案于其東設受冊案于御座上之西受寶案于其東侍  
 儀司設冊案于香案南寶案又于其南禮儀使位于前  
 冊使冊副位于庭中北向引冊奉冊舉冊讀冊捧冊官  
 位于右引寶奉寶舉寶讀寶捧寶官位于左以北為上

百官自金玉府迎冊寶奉安中尚書省如常儀前期一  
 日右丞相率公卿朝服儀衛音樂導冊寶二案出自中  
 書至閣前控鶴奠案方輿中道冊使等奉隨入大次內  
 方輿奠案侍儀使引冊使以下由左門以出百官趨退  
 至期大昕右丞相以下百官各公服集闕廷儀仗護尉  
 就位侍儀使禮儀使引導從導皇帝升大明殿引進使  
 引導從導皇后升殿尚引引殿前班入起居位起居山  
 呼拜舞畢宣贊唱曰各恭事太子諸王后妃公主以次  
 升殿鳴鞭三侍儀使引冊引寶導冊寶由正門入樂作  
 奉冊使右丞相率冊官由右門入奉寶使御史大夫率  
 寶官由左門入至殿下置冊案于香案南寶案又奠于



其南樂止侍儀使引冊使以下就起居位與引引羣臣  
入就位通班舍人唱曰文武百僚具官某以下起居典  
引贊曰鞠躬曰平身引至丹墀拜位宣贊唱曰拜通贊  
贊拜舞蹈山呼如常儀畢承奉班都知唱曰奉冊使以  
下進冊寶侍儀司引冊使以下進就位作樂掌儀贊曰  
奉冊寶官稍前措笏捧冊寶侍儀使前導由中道升正  
階立宇下俟奉冊使諸冊官由右階躋奉寶使者贊官  
由左階躋畢俱由左門入奉冊寶至御榻褥位前冊西  
寶東樂止掌儀贊曰捧冊寶官稍前以冊寶跪置于案  
曰出笏曰就拜曰興平身曰復位曰奉冊使以下皆跪  
曰舉冊官興俱至案前跪曰措笏取冊于匣置于盤對

舉曰讀冊官興俱至案前跪曰讀冊讀冊官稱臣某謹  
讀冊讀畢舉冊官納冊于匣興以授典瑞使出笏立于  
冊案西南典瑞使置于受冊案掌儀贊曰舉寶官興俱  
至案前跪曰措笏取寶于盃對舉曰讀寶官興俱至案  
前跪曰讀寶讀寶官稱臣某謹讀寶讀畢舉寶官納寶  
于盃興以授典瑞使出笏立于寶案東南典瑞使置于  
受寶案掌儀贊曰奉冊使以下皆就拜曰興曰平身參  
議中書省事四人以篚奉詔書由殿左門入至御榻前  
跪讀詔文如常儀授典瑞使押寶畢置于篚對舉由正  
門出至丹墀北置于詔案冊使以下由南東門出就位  
聽詔如儀儀鸞使四人昇進冊寶案由左門出侍儀使



引班首由左階躋前行樂作至宇下樂止舞旋至露階立班首入殿宣徽使奉隨班首跪宣徽使西北向立班首致詞曰冊寶禮畢願上皇帝皇后萬萬歲壽宣徽使應曰如所祝樂作通贊唱曰分班進酒畢班首由南東門出降階復位樂止通贊唱曰合班奉進表章禮物贊拜舞蹈山呼錫宴並如元正之儀

殿上執事 挈壺郎二人掌直刻漏冠學士帽服紫羅窄袖衫塗金束帶烏鞞漏刻直御榻南 司香二人掌侍香以主服御者攝之冠服同挈壺香案二在漏刻東西稍南司香侍案側東西相向立 酒人凡六十人主酒二十人主漣二十人主膳二十人冠唐帽服同司香

酒海直漏南酒人北面立酒海南 護衛四十人以質子在宿衛者攝之冠交角幘頭紫梅花羅窄袖衫塗金束帶白錦汗胯帶弓矢佩刀執骨朶分立東西宇下警蹕三人以控鶴衛士為之冠交角幘頭服紫羅窄袖衫塗金束帶烏靴捧立于露階每乘輿出入則鳴鞭以警眾

殿下執事 司香二人亦以主服御者攝之冠服同殿上司香二案在露階南司香東西相向立護尉凡四十人以戶郎二十人質子二十人攝之服同宇下護尉夾立階阡右階之下伍長凡六人都點檢一人右點檢一人左點檢一人宿衛之人及諸門者戶者皆屬焉殿內



將軍一人凡殿內佩弓矢者佩刀者諸司禦者皆屬焉  
殿外將軍一人宇下護尉屬焉宿直將軍一人黃麾立  
仗及殿下護尉屬焉右無常官凡朝會則以近侍重臣  
攝之服白帽白衲襖行膝履襪或服其品之公服恭事  
則侍立舍人授以骨朶而易笏都點檢以玉右點檢以  
瑪瑙左點檢以水精殿內將軍以瑪瑙殿外將軍以水  
精宿直將軍以金 左階之下伍長凡三人殿內將軍  
一人殿外將軍一人宿直將軍一人冠服同右恭事則  
侍立舍人授以骨朶而易笏殿內將軍以瑪瑙殿外將  
軍以水精宿直將軍以金 司辰郎二人一人立左樓  
上服視六品候時北面而鷄唱一人立樓下服視八品  
候時捧牙牌趨丹墀跪報露階之下右黃麾仗內設表  
案一禮物案一輿士凡八人每案四人前二人冠纓金  
額交角幘頭緋錦寶相花窄袖襖塗金束帶行膝履襪  
後二人冠服同前惟襖色青 圍人十人冠唐巾紫羅  
窄袖衫青錦緣白錦汗胯銅束帶烏靴馭立仗馬十覆  
以青錦緣緋錦鞍復分左右立黃麾仗南 侍儀使二  
人引進使一人通班舍人一人尚引舍人一人閱仗舍  
人一人奉引舍人一人先輿舍人一人糾儀官凡四人  
尚書一人侍郎一人監察御史二人知班三人視班內  
失儀者白糾儀官而行罰焉皆東向立右仗之東以北  
爲上 侍儀使二人引進使一人承奉班都知一人宣



表目舍人一人宣表修撰一人宣禮物舍人一人奉表  
 舍人一人奉幣舍人一人尚引舍人一人閱仗舍人一  
 人奉引舍人一人先輿舍人一人押禮物官凡二人工  
 部侍郎一人禮部侍郎一人糾儀官凡四人尚書一人  
 侍郎一人監察御史二人知班三人視班內如左右輦  
 路宣贊舍人一人通贊舍人一人戶部二人承傳贊席  
 前 皆西向立左仗之四以北為上凡侍儀使引進使  
 尚書侍郎御史各服其本品之服承奉班都知舍人借  
 四品服知班冠展角幘頭服紫羅窄袖衫塗金束帶烏  
 靴護尉三十人以質子在宿衛者攝之立大明門闌外  
 冠服同宇下護尉 承傳二人控鶴衛士為之立大明

門檻間以承傳于外仗冠服同警蹕執金柄小骨朵

殿下黃麾仗黃麾仗凡四百四十有八人  
分布于丹墀左右各五行右前立執大

蓋二人執華蓋二人執紫方蓋一人執方蓋二人執曲

蓋二人冠展角幘頭服紫緋絕生色寶相花袍勒帛烏

靴 次二列執朱團扇八人執大雉扇八人執中雉扇

八人執小雉扇八人冠武弁服同前執蓋者 次三列

執黃麾幡十人武弁青絕生色寶相花袍青勒帛烏靴

執絳引幡十人武弁緋絕生色寶相花袍緋勒帛烏靴

執信幡十人冠服同上其色黃執傳教幡十人冠服同

上其色白執告止幡十人冠服同上其色紫 次四列

以下執葆蓋四十人服緋絕生色寶相花袍勒帛烏靴



執儀鎧斧四十人冠服同上其色黃執小戟蛟龍掌四  
十人冠服同上其色青左列亦如之皆以北為上押仗  
四人行視仗內而檢之冠服同警蹕者凡五百二十有

八人分左左前列建天下太平旗第一牙門旗第二  
右以列

每旗執者一人護者四人皆五色緋巾五色絕生色寶  
相花袍勒帛雲頭靴執人佩劍護人加弓矢後屏五人

執稍朱兜鍪朱甲雲頭靴左二列日旗第三龍君旗

第四每旗執者一人護者四人後屏五人巾服執佩同

前列右前列建皇帝萬歲旗第一牙門旗第二每旗

執者一人護者四人後屏五人巾服執佩同左前列

右二列月旗第三虎君旗第四每旗執者一人護者四

人後屏五人巾服執佩同前列左次三列青龍旗

五執者一人黃絕巾黃絕生色寶相花袍勒帛花靴佩

劍護者二人朱白二色絕巾二色絕生色寶相花袍勒

帛花靴佩劍加弓矢天王旗第六執者二人巾服同上

護者二人青白二色絕巾二色絕生色寶相花袍勒帛

花靴佩劍加弓矢後屏五人執稍朱兜鍪朱甲雲頭靴

風伯旗第七執者一人護者二人後屏五人巾服佩執

同天王旗雨師旗第八執者一人護者二人後屏五人

巾服佩執同青龍旗雷公旗第九執者一人巾服執佩

同上護者二人青紫二色絕巾二色絕生色寶相花袍

勒帛花靴佩劍加弓矢後屏五人執稍白兜鍪白甲雲



頭靴電母旗第十執者一人護者二人後屏五人巾服  
執佩同風伯旗吏兵旗第十一執者一人護者二人巾  
服佩同雷公旗後屏五人執稍黃兜鍪黃甲雲頭靴  
右次三列白虎旗第五執者一人黃纒巾黃纒生色寶  
相花袍勒帛花靴佩劍護者二人青朱二色纒巾二色  
純生色寶相花袍勒帛花靴佩劍加弓矢天王旗  
執者一人巾服同上護者二人青朱二色纒巾二色純  
生色寶相花袍勒帛花靴佩劍加弓矢後屏五人執稍  
朱兜鍪朱甲雲頭靴江瀆旗第七執者一人護者二人  
後屏五人巾服執佩同天王旗河瀆旗第八執者一人  
巾服佩同上護者二人青紫二色纒巾二色純生色寶  
相花袍勒帛花靴佩劍加弓矢後屏五人巾服執佩同  
白虎旗濟瀆旗第十執者一人巾服佩同上護者二人  
朱白二色纒巾二色純生色寶相花袍勒帛花靴佩劍  
加弓矢後屏五人執稍青兜鍪青甲雲頭靴力士旗第  
十一執者一人護者二人後屏五人巾服執佩同河瀆  
旗二十二旗內拱衛直指揮使二人分左右立服本品  
朝服執玉斧次臥瓜一列次立瓜一列次列絲一列冠  
纒金額交角幘頭緋金寶相花窄袖襖塗金荔枝束帶  
行滕履襪次鎗仗一列次梧仗一列次班劍一列並分  
左右立冠纒金額交角幘頭青錦寶相花窄袖襖塗金  
荔枝束帶行滕履襪 左次四列朱雀旗第十二執者



一人黃純巾黃純生色寶相花袍勒帛花靴佩劍護者  
二人青白二色純巾二色純生色寶相花袍勒帛花靴  
佩劍加弓矢後屏五人執稍朱堦蓋朱甲雲頭靴木星  
旗第十三執者一人巾服佩同上護者二人青朱二色  
純巾二色純生色寶相花袍勒帛花靴佩劍加弓矢後  
屏五人執稍青堦蓋青甲雲頭靴熒惑旗第十四執者  
一人巾服佩同上護者二人青紫二色純巾二色純生  
色寶相花袍勒帛花靴佩劍加弓矢後屏五人巾服執  
佩同朱雀旗土星旗第十五執者一人護者二人巾服  
佩同熒惑旗後屏五人執稍黃堦蓋黃甲雲頭靴太白  
旗第十六執者一人護者二人巾服佩同木星旗後屏

五人執稍白堦蓋白甲雲頭靴水星旗第十七執者一  
人護者二人佩服同太白旗後屏五人執稍紫堦蓋紫  
甲雲頭靴鸞旗第十八執者一人巾服佩同上護者二  
人朱白二色純巾二色純生色寶相花袍勒帛花靴佩  
劍加弓矢後屏五人巾服佩同木星旗 右次四列玄  
武旗第十二執者一人黃純巾黃純生色寶相花袍勒  
帛花靴佩劍護者二人朱白二色純巾二色純生色寶  
相花袍勒帛花靴佩劍加弓矢後屏五人紫堦蓋紫甲  
雲頭靴執稍東岳旗第十三執者一人護者二人巾服  
佩同玄武旗後屏五人執稍青堦蓋青甲雲頭靴南岳  
旗第十四執者一人巾服佩同上護者二人青白二色



絕巾二色絕生色寶相花袍勒帛花靴佩劍加弓矢後  
屏五人執稍朱兜鍪朱甲中岳旗第十五執者一人巾  
服佩同上護者二人紫青二色絕生色寶相花袍勒帛  
花靴佩劍加弓矢後屏五人執稍黃兜鍪黃甲雲頭靴  
西岳旗第十六執者一人巾服佩同上護者二人朱青  
二色絕巾二色絕生色寶相花袍勒帛花靴佩劍加弓  
矢後屏五人執稍白兜鍪白甲北岳旗第十七執者一  
人護者二人巾服佩同南岳旗後屏五人巾服佩同玄  
武旗麟旗第十八執者一人護者二人後屏五人巾服  
執佩同西岳旗 左次五列角宿旗第十九亢宿旗第  
二十氐宿旗第二十一房宿旗第二十二心宿旗第二

十三尾宿旗第二十四箕宿旗第二十五每旗執者二  
人黃絕巾黃絕生色寶相花袍勒帛花靴佩劍護者二  
人青朱二色絕巾二色絕生色寶相花袍勒帛花靴佩  
劍加弓矢後屏五人青兜鍪青甲執稍 右次五列奎  
宿旗第十九婁宿旗第二十胃宿旗第二十一昴宿旗  
第二十二畢宿旗第二十三觜宿旗第二十四參宿旗  
第二十五每旗執者一人黃絕巾黃絕生色寶相花袍  
勒帛花靴佩劍護者二人青朱二色絕巾二色絕生色  
寶相花袍勒帛花靴佩劍加弓矢後屏五人執稍白兜  
鍪白甲 左次六列斗宿旗第二十六牛宿旗第二十  
七女宿旗第二十八虛宿旗第二十九危宿旗第二十



室宿旗第三十一璧宿旗第三十二每旗執者一人黃  
純巾黃純生色寶相花袍勒帛花靴佩劍護者二人朱  
白二色純巾二色純生色寶相花袍勒帛花靴佩劍加  
弓矢後屏五人執稍紫兜鍪紫甲 右次六列井宿旗  
第二十六鬼宿旗第二十七柳宿旗第二十八星宿旗  
第二十九張宿旗第三十翼宿旗第三十一軫宿旗第  
三十二每旗執者一人黃純生色寶相花袍勒帛花靴  
佩劍護者二人朱白二色純巾二色純生色寶相花袍  
勒帛花靴佩劍加弓矢後屏五人執稍朱兜鍪朱甲  
宮內導從 警蹕二人以控鶴衛士為之並列而前行  
掌鳴鞭以警衆服見前 天武二人執金鉞分左右行

金兜鍪金甲威金素汗金束帶綠雲靴 舍人二人服  
視四品 主服御者凡三十人 執骨朵二人執幢二  
人執節二人皆分左右行攜金盆一人由左負金椅一  
人由右攜金水瓶鹿盧一人由左執巾一人由右捧金  
香毬二人捧金香盒二人皆分左右行捧金唾壺一人  
由左捧金唾盂一人由右執金拂四人執升龍扇十四  
人皆分左右行冠交角幘頭服紫羅窄袖衫塗金束帶  
烏靴 劈玉斧官一人由中道近侍重臣攝之侍儀使  
四人分左右行 佩弓矢十人分左右由外道行服如  
主服御者佩寶刀十人分左右行冠鳳翅唐巾服紫羅  
辮線襖金束帶烏靴



冊立皇后儀 前期二日儀鸞司設發冊寶案于大明殿御座前稍西設發寶案稍東掌謁設香案于皇后殿前設冊案于殿前座榻前稍西寶案稍東設受冊案于座榻上稍西設受寶案稍東侍儀司設板位冊使副位于廷中北面冊官位于右寶官位于左禮儀使位于冊案前主節位于太尉左皇后殿廷亦如之至期大昕引贊敘太尉以下于闕廷各公服侍儀使禮儀使引冊使引冊奉冊舉冊讀冊捧冊官由月華門入侍儀使禮儀使引冊副引寶奉寶舉寶讀寶捧寶官由日精門入至露階下依板位立侍儀使捧牙牌入至寢殿前跪報外辦內侍入奏出傳制曰可侍儀使俛伏興皇帝出閣升

輦鳴鞭三侍儀使引導從導皇帝入大明殿陛御座鳴

鞭三司晨報時鷄唱畢尚引引殿前班入起居位起居

舞蹈山宣贊唱曰各恭事引贊引冊使以下入就位掌

呼如儀儀舍人引承奉班都知侍儀使禮儀使主節捧冊捧寶

官升自左階由南東門入至御座前分左右相向立掌

儀贊曰禮儀使稍前跪曰太尉以下皆跪禮儀使跪奏

請進發皇后冊寶掌儀贊曰就拜曰興曰平身曰太尉

以下皆興曰復位掌儀贊曰內謁者稍前曰搢笏曰捧

冊寶跪進皇帝曰以冊寶授捧冊寶官捧冊寶官跪受

興掌儀贊曰主節官搢笏持節禮儀使引節導冊寶由

正門出至露階南向立禮儀使稱有制承奉班都知唱



曰太尉以下皆再拜通贊曰鞠躬曰拜興拜興平身禮儀使宣制曰命太尉某等持節授皇后冊寶通贊贊曰鞠躬曰拜興拜興平身降至露階下依次就位方輿昇以行樂作侍儀使禮儀使引太尉及冊寶官奉隨至皇后宮廷奠案樂止掌儀唱曰奉冊寶官稍前措笏捧冊寶使太尉以下奉隨由正階躋至案前掌儀贊曰以冊寶置于案曰出笏曰復位侍儀使稍前跪報外辦內侍入啟出傳旨曰可侍儀使俛伏興皇后出閣詣褥位太尉稱制遣臣某等恭授皇后冊寶內侍贊禮曰跪掌儀贊曰太尉以下皆跪內侍贊皇后曰上香曰上香曰三上香曰拜興拜興掌儀贊曰太尉以下皆興皇后升殿立于座榻前承奉班都知唱曰太尉以下進冊寶掌儀唱曰捧冊寶官稍前措笏捧冊寶官由正門至殿內掌儀贊曰以冊寶跪置于案曰捧冊寶官出笏興復位曰太尉以下皆跪曰舉冊官興至案前跪曰措笏取冊于匣置于盤對舉曰讀冊官興至案前跪曰讀冊讀冊官稱臣某謹讀冊讀畢納冊于匣掌儀贊曰出笏舉寶官興至案前跪措笏取寶于盃對舉曰讀寶官興至案前跪曰讀寶讀寶官稱臣某謹讀寶讀畢納寶于盃掌儀贊曰出笏曰太尉以下皆就拜曰興曰平身捧冊寶官以冊寶授太尉太尉以授掌謁以冊寶置于受冊寶案掌儀唱曰太尉以下跪曰衆官皆跪太尉致祝辭曰冊



實禮畢伏願皇后與天同笑司徒應曰如所祝就拜興  
 平身太尉進酒樂作皇后飲畢樂止禮儀使引節引主  
 節由正門以出侍儀使引太尉以下由左門至階下北  
 面立承奉班都知唱曰太尉以下皆再拜通贊曰鞠躬  
 曰拜興拜興曰平身侍儀使引太尉以下還詣皇帝御  
 座前跪奏曰奉制授皇后冊寶謹以禮畢就拜興由左  
 門以出降詣旁折位侍儀使引導從導皇后詣大明殿  
 前謝恩掌謁贊曰拜興拜興侍儀使分退掌儀導皇后  
 升御座典引引丞相以下入起居位起居贊拜如儀侍儀使詣  
 右丞相前請進酒雙引升殿至宇下褥位立侍儀使分  
 左右北向立俟前行色曲將半舞旋列定通贊唱曰分

班樂作侍儀使引右丞相由南東門入宣徽使奉隨至  
 御榻前右丞相跪宣徽使立于東南曲終右丞相祝贊  
 曰冊寶禮畢臣等不勝慶忭同上皇帝皇后萬萬歲壽  
 宣徽使應曰如所祝右丞相俛伏興平身詣進酒位進  
進表章禮物贊拜會道賀 宴畢鳴鞭三侍儀使導駕引  
獻大宴設上並如元正儀 進使導后還寢殿如來儀

冊皇太子儀 前期三日右丞相率百僚至金玉局冊  
 寶案前舍人贊曰鞠躬拜興拜興平身曰班首稍前曰  
 跪曰在位官皆跪曰播笏曰上香曰上香曰三上香曰  
 出笏曰就拜曰興拜興拜興平身侍儀使舍人分引羣  
 臣儀衛音樂道至中書省正位安置前期二日儀鸞司



設發冊案于大明殿御座西發寶案于東典寶官設香案于太子殿前階上設冊案于西寶案于東又設受冊案于殿內座榻之西受寶案于東侍儀司設板位太尉冊使副位于大明殿廷太尉位居中冊官位于右寶官位于左禮儀使位于前主節官位于太尉之左太子殿廷亦如之樂位布置亦如之右丞相率百僚朝服至中書省寶冊案前叙立定舍人贊曰鞠躬曰拜興拜興曰平身曰班首稍前曰跪曰搢笏曰在位官皆跪曰上香曰上香曰二香出笏曰就拜興拜興平身舍人分引羣臣儀衛導從音樂傘扇道至闕前控鶴奠案方興官昇之由中道入崇天門冊使以下奉隨至露階下

方興官置冊案于西寶案于東分退立于兩廡冊使副北面引冊官舉冊官讀冊官捧冊官位于冊案西東向引寶官舉寶官讀寶官捧寶官位于寶案東西向掌儀舍人贊曰捧冊官稍前曰搢笏曰捧冊又贊曰捧寶官稍前曰搢笏曰捧寶侍儀使引進使引冊官引寶官前道捧冊寶次之冊使副以下奉隨升大明殿午階由正門入至進發冊寶案前冊使副北面立引冊官引寶官舉寶官舉冊官以下分左右夾冊寶案立掌儀贊曰以冊寶置于案出笏曰復位侍儀使引奉冊使以下由左門出百辟趨退至期大昕引贊引冊使以下皆公服敘立于闕廷侍儀使導從皇帝出闕鳴鞭三陞大明殿登



御座尚引引殿前班入起居位起居贊拜如儀宣贊唱曰各恭事引贊引冊使以下入就位掌儀舍人引承奉班都知侍儀使禮儀使主節郎捧冊捧寶官升自左階由左門入至御座前分左右立掌儀贊曰禮儀使稍前跪衆官皆跪禮儀使奏請發皇太子冊寶掌儀唱曰就興平身衆官皆興復位曰內謁者稍前搢笏捧冊寶跪進皇帝曰以冊寶授捧冊寶官捧冊寶官跪受興掌儀贊曰主節郎搢笏持節禮儀使引節導冊寶由正門以出至露階南向立禮儀使稱有制承奉班都知唱曰太尉以下皆再拜掌儀贊曰鞠躬興拜興平身西京宣制曰上命太尉等持節授皇太子冊寶掌儀贊曰

躬曰拜興拜興平身禮儀使引節導冊寶降至露階下依次就位掌儀贊曰以冊寶置于案曰出笏曰復位方興昇以行樂作侍儀使禮儀使主節前導冊使以下奉隨由正門出至闕前方興奠案控鶴昇以行至皇太子殿廷控鶴奠案方興昇以行入至露階下奠案方興退樂止冊使以下以次立掌儀贊曰捧冊寶官稍前搢笏捧冊寶侍儀使引節主節導冊寶以行冊使以下由正階躋序立于香案之西掌儀贊曰捧冊寶官跪以冊寶置于案出笏興就位右庶子跪報外備內侍入啟出傳旨曰可右庶子俛伏興皇太子出閣立于香案前掌儀贊曰皇太子跪曰上香曰上香曰三上香曰拜興拜興



曰太尉前稱制遣臣某等恭授皇太子冊寶復位掌儀  
贊曰皇太子拜曰興拜興曰請皇太子詣褥位南向立  
曰皇太子跪曰諸執事官皆跪曰舉冊官興至案前跪  
曰讀冊讀畢納冊于匣曰出笏掌儀唱曰舉寶官興至  
案前跪曰讀寶讀畢納寶于盂曰出笏曰舉寶官讀冊  
寶官皆興復位掌儀贊曰太尉進授冊寶侍儀使引太  
尉司徒至冊寶案前稽笏以冊寶跪進皇太子恭受以  
授左右庶子左右庶子稽笏跪受掌儀贊曰皇太子興  
冊使以下皆興右庶子捧冊左庶子捧寶導皇太子入  
殿右庶子奠冊于受冊案左庶子奠寶于受寶案引節  
引主節立于殿西北引贊引太尉以下降階復位北向  
立承奉班都知唱曰太尉以下皆再拜掌儀贊曰鞠躬  
曰拜興拜興平身樂作侍儀使詣太尉前請進酒太尉  
入至殿內進酒畢降復位樂止侍儀使禮儀使主節導  
太尉以下還詣大明殿御座前跪奏曰奉制授皇太子  
冊寶謹以禮畢俛伏興降詣位侍儀使左右庶子導皇  
太子詣大明殿御座前謝恩右庶子贊曰拜興拜興進  
酒又贊曰拜興拜興降殿還府侍儀使詣右丞相前請  
進酒雙引升殿至宇下褥位立侍儀使分左右北向立  
俟前行色曲將半舞旋列定通贊唱曰分班樂作侍儀  
使右丞相由南東門入宣徽使奉隨至御榻前右丞相  
跪宣徽使立于東南曲終右丞相祝贊曰皇太子冊寶



禮畢臣等不勝慶忭同上皇帝皇后萬萬歲壽宣徽使  
應曰如所祝右丞相俛伏興退詣進酒位進酒進表章  
禮物贊拜如元正儀駕興鳴鞭三侍儀使導駕還寢殿  
如來儀皇太子還府陞殿典引引羣臣入就起居位通  
班自班西行至中道唱曰具官某以下起居典引贊曰  
鞠躬曰平身進就拜位宣贊唱曰拜通贊贊曰鞠躬曰  
拜興拜興平身侍儀使詣班首前請進酒雙引由左階  
至殿宇下褥位立侍儀分左右北向立俟前行色曲將  
半舞旋列定通贊唱曰分班班首入自左門右庶子隨  
至座前班首跪右庶子立于東南俟曲終班首致祝辭  
曰冊寶禮畢願上殿下千秋之壽右庶子應曰如所祝

班首俛伏興退至進酒位捧觴北向立右庶子退俛伏  
俟舞旋至露階樂舞至第四拍班首進酒宣贊唱曰文  
武百僚皆再拜通贊贊曰鞠躬拜興拜興平身班首自  
東門出復位樂止通贊唱曰合班中書押進箋及禮物  
案至橫階下進讀箋官由左階階進讀禮物官至階下  
俟進讀箋官至字下先讀箋目次讀箋禮畢俛伏興降  
至階下進讀禮物官升階至字下跪讀禮物狀畢俛伏  
興退同讀箋官至橫階隨箋案西行至右廡下禮物案  
東行至左廡下各付所司宣贊唱曰拜通贊贊曰鞠躬  
拜興拜興平立右庶子導皇太子還閣

太皇太后上尊號進寶冊儀 前期二日儀鸞司設進



發冊寶案于大明殿御座 前掌謁設進冊寶位太皇太后殿座榻前設受冊寶案于座榻上並冊西寶東侍儀司設冊使副位于廷中北面冊官位右寶官位左禮儀使位于前以北爲上太皇太后殿廷亦如之至期大昕羣臣皆公服敘位闕前侍儀使禮儀使引冊使引冊奉冊舉冊讀冊捧冊官由月華門入侍儀使禮儀使引冊副引寶奉寶舉寶讀寶捧寶官由日精門入至露階下依板位立侍儀使捧牙牌入至寢殿前跪報外辦內侍入奏出傳制曰可侍儀使俛伏興皇帝出閣升輦鳴鞭三入大明殿陞御座鳴鞭三司晨報時鷄唱畢侍儀使禮儀使引冊使以下陞自東階由左門入至御榻前

相向立掌儀贊曰奏中嚴侍儀使捧牙牌跪奏口中嚴又贊曰就拜曰興平身復位曰禮儀使稍前跪曰冊使以下皆跪禮儀使奏請進發太皇太后冊寶掌儀贊曰就拜曰興平身曰復位曰內謁者稍前曰摺笏曰內謁者跪進冊寶皇帝興以冊授冊使跪受興以授捧冊官出笏以寶授冊副跪受興以授捧寶官出笏侍儀使禮儀使引冊引寶官導冊寶由正門出冊使以下奉隨至階下掌儀贊曰以冊寶置于案曰出笏復位方興昇行樂作侍儀禮儀使引冊引寶前導冊使以下奉隨至興聖宮前奠案樂止侍儀使以導從入至太皇太后寢殿前跪報外辦掌謁入啟出傳旨曰可侍儀使俛伏興侍



儀使掌謁前導太皇太后升殿導太皇太后時侍儀使入至大明殿跪奏冊寶至興聖宮請行禮駕與鳴鞭三侍儀使前引導從至興聖宮陞御座侍儀使出至案所樂作方輿入至露階下奠案冊使副立于案前冊官東向寶官西向方輿分退立于兩廡樂止尚引引殿前班入起居位相向立起居拜舞如元正儀禮畢宣贊唱曰各恭事贊引冊使以下退至起居位通班舍人唱曰攝其官具官或太尉具官無常臣某以下起居引贊贊曰鞠躬平身進入丹墀知班唱曰班齊宣贊唱曰拜通贊贊曰鞠躬拜興拜興平身宣贊唱曰各恭事進至案前依位立宣贊唱曰太尉以下進上冊寶掌儀贊曰捧冊寶官前

措笏捧冊寶侍儀使引冊寶官前導冊使奉隨至御榻進冊寶案前掌儀唱曰跪捧冊寶官皆跪曰以冊寶置于案曰捧冊寶官出笏復位曰太尉以下皆跪曰讀舉冊寶官與俱至案前跪掌儀贊曰舉冊官措笏取冊于匣置于盤對舉曰讀冊讀冊官稱臣某謹讀冊讀畢舉冊官納冊于匣掌儀唱曰出笏曰舉寶官措笏取寶于盃對舉曰讀寶讀寶官稱臣某謹讀寶讀畢舉寶官納寶于盃掌儀贊曰出笏曰就拜曰興平身曰復位曰太尉司徒奉冊寶官稍前曰捧寶冊官稍前曰措笏捧冊寶上進曰皇帝躬授太皇太后冊寶太皇太后以冊寶授內掌謁掌謁置于案皇帝興進酒太皇太后舉觴飲



畢皇帝復御座畢掌儀贊曰衆官皆復位侍儀使引冊使以下分左右出就位皇帝率皇后及諸妃公主降丹墀北面拜賀陞殿皇太子及諸王拜賀升殿典引引百官入就起居位通班舍人唱曰文武百僚具官臣某以下起居曰鞠躬曰平身引至丹墀拜位知班報班齊宣贊唱曰拜通贊贊曰鞠躬拜興拜興平身侍儀使詣班首前請進酒雙引至殿宇下褥位立俟舞旋列定通贊唱曰分班樂作侍儀使引班首由南東門入宣徽使奉隨至御榻前班首跪曲終班首祝贊曰冊寶禮畢臣等不勝欣忭願上太皇太后皇帝萬萬歲壽宜徽使應曰如所祝班首俛伏興還詣進酒位以下並同元正儀

皇太后上尊號進冊寶儀同前儀

太皇太后加上尊號進冊寶儀同前儀

進發冊寶儀衛 清道官二人警蹕二人並分左右皆攝官服本品朝服 雲和樂一部署令二人分左右次前行戲竹二次排簫四次板二次歌四並分左右前行內琵琶二十次箏十六次篳篥十六次箏十六次方響八次頭管二十八次龍笛二十八為三十三重重四杖鼓三十為八重次板八為四重板內大鼓二工二人舁八人樂工服並與鹵簿同法物庫使二人服本品服次朱團扇八為二重次小雉扇八次中雉扇八次大雉扇八分左右為十二重次朱團扇八為二重次大繖二



次華蓋二次紫方繖二次紅方繖二次曲蓋二並分左右執繖扇所服並同立仗 圍子頭一人中道次圍子八人分左右服與鹵簿內同 安和樂一部署令二人服本品服禮鼓六爲二重前四後二次和鼓一中道次板二分左右次龍笛四次頭管四並爲二重次羗管二次笙二並分左右次雲璈一中道次箏二分左右樂工服與鹵簿內同 繖一中道椅左踏右執人皂巾大團花緋錦襖金塗銅束帶行騰鞋襪 拱衛使一人服本品服次舍人二人次引寶官二人並分左右服四品服 香案中道與士控鶴八人服同立仗內表案與士侍香二人分左右服四品服 寶案中道與士控鶴十有

六人服同香案與士方輿官三十人夾香案寶案分左右而趨至殿門則控鶴退方輿官昇案以陞唐巾紫羅窄袖衫金塗銅束帶烏靴 引冊二人分左右四品服 香案中道與士控鶴八人服同寶案與士侍香二人分左右服四品服 冊案中道與士拱鶴十有六人服同寶案與士方輿官三十人夾香案冊案分左右而趨至殿門則控鶴退方輿官昇案以陞巾服與寶案方輿官同 葆蓋四十人次閱仗舍人二人服四品服次小戟四十人次儀鎧四十人夾雲和樂繖扇分左右行服同立仗 拱衛使二人服本品朝服次班劍十次梧杖十二次斧十二次鐙杖二十次列綵十皆分左右次金



瓶左金盆右次列綵十次立瓜十次金杙左鞭桶右蒙  
鞍左繖手右次立瓜十次臥瓜三十並夾葆蓋小戟儀  
鋸分左右行服並同鹵簿內 拱衛外舍人二人服四  
品服引導冊諸官次從九品以上次從七品以上次從  
五品以上並本品朝服 金吾折衝二人牙門旗二每  
旗引執五人次青稍四十人赤稍四十人黃稍四十人  
白稍四十人紫稍四十人並兜鍪甲靴各隨稍之色行  
導冊官外 冊案後舍人二人服四品服次太尉右司  
徒左次禮儀使二人分左右次舉冊官四人右舉寶官  
四人左次讀冊官二人右讀寶官二人左次閣門使四  
人分左右並本品服 知班六人分左右服同立仗往  
來視諸官之失儀者而行罰焉

冊寶攝官儀衛 上尊號冊寶凡攝官二百五十有六  
人奉冊官四人奉寶官四人捧冊官二人捧寶官二人  
讀冊官二人讀寶官二人引冊官五人引寶官五人典  
瑞官三人糾儀官四人殿中侍御史二人監察御史四  
人閣門使三人清道官四人點試儀衛五人司香四人  
備顧問七人代禮官三十人拱衛使二人押仗二人方  
輿一百六十人上 皇太后冊寶凡攝官二百五十人  
攝太尉一人攝司徒一人禮儀使四人奉冊官二人奉  
寶官二人引冊官二人引寶官二人舉冊官二人舉寶  
官二人讀冊官二人讀寶官二人捧冊官二人捧寶官



二人奏中嚴一人主當內侍十人閣門使六人充內臣  
 十三人糾儀官四人代禮官四十二人掌謁四人司香  
 十二人折衝都尉二人拱衛使二人清道官四人警蹕  
 官四人方輿官一百二十人上太皇太后册寶攝官同授皇后册寶  
 凡攝官百八十人攝太尉一人攝司徒一人主節官二  
 人禮儀使四人奉册官二人奉寶官二人引册官二人  
 引寶官二人舉册官二人舉寶官二人讀册官二人讀  
 寶官二人內臣職掌十人宣徽使二人閣門使二人代  
 禮官三十七人侍香二人清道官四人折衝都尉二人  
 警蹕官四人中宮內臣九人糾儀官四人接册內臣二  
 人接寶內臣二人方輿官七十四人授皇太子册凡攝

官四十有九人攝太尉一人奉册官二人持節官一人  
 捧册官二人讀册官二人引册官二人攝禮儀使二人  
 主當內侍六人副持節官五人侍從官十人代禮官十  
 六人

皇太子入學儀 至正九年某月日皇帝開端本堂命  
 皇太子肄業其中前期一日司經設帝座于堂中南面  
 朱几在其南鄰俎又在朱几南俎前有筵復設皇太子  
 位于座西東面太子太傅位于座東西面諭德贊善二  
 人文學一人位在太傅之東皆西面北上厥明司經以  
 裕皇所御聖典寘朱几上公卿子弟學者分東西序立  
 堂南北面以中為上正字一人司經一人對立兩序端



以劾不如儀者贊者導皇太子就位立諭德以下亦如之皇帝遣使者來致命在位者皆北面立受以次出堂門外望北闕再拜者二復初位贊者又導皇太子至薌俎南北面立升筵再拜就筵北跪炳薌于爐者三少退又再拜復位立如初凡拜若跪公卿子咸從司經以聖典還閣凡與俎皆徹皇太子即位坐諭德以下皆坐公卿子別設几席于諭德位西皆再拜贊者引齒長者一人執贊自門左入卽席跪奠贊于几復位如初又再拜拜已執筆以升執尊及脯醢贊善文學亦如之少退執事者勺酒授諭德以酢獻者復位如初皆再拜贊者退司經設授讀位正字一人執策啟皇太子受經一人讀

諭德請授經至位東西相向坐授受已復位如初

國史院進寶錄儀 是日大昕諸司官具公服立于光天門外侍儀使引寶錄案以入監修國史以下奉隨至光天殿前分班立皇帝升御座宣贊唱曰拜通贊贊曰鞠躬拜興拜興平身侍制四人奉寶錄陞自午階監修國史以下奉隨至御前香案南立衆官降復位應奉翰林文字陞至寶錄前跪讀表讀畢俛伏興復位翰林學士承旨升至御前分班立俟御覽畢降復位宣贊唱曰監修國史以下皆再拜通贊贊曰鞠躬拜興拜興平身侍制陞取實錄降自階置于案由光天門以出音樂儀從前導還國史院置于堂上通贊贊曰鞠躬拜興拜興



平身曰播笏曰上香曰上香曰三上香曰出笏曰就拜  
曰興拜興平身立百僚趨退

辨辨拜興拜興平良卦歸四人奉寶綸聖自千習聖  
光天煥前分班立皇帝長階聖宣贊聖曰拜興贊贊曰  
天門於對對對對實綸案以人盥對國史以不奉禮至  
國史對對對對對 具曰太祖諸臣官具公服立于光  
備齊諸對對對對對東西階向坐對受月對對對



